

ပိတောက်ရွှေ





პიონერი

საქართველოს ალკა ცენტრალური კომიტეტის
ყოველთვიური საბავშვო უშრანალი

გამომცემლობა

„კომუნისტი“

ПИОНЕРИ Ежемесячный детский журнал Центрального Комитета ЛКСМ Грузии
(на грузинском языке)



ერთი ქართლელი ბიჭი ვარ,
 გულში ხალისი მიბრუნავს,
 ბიჭებო, ბანი მომეცით,
 დავაგუგუნოთ მთიბლურად!

სანამ მკათათვე დადგება,
 ხედავთ, გვეძახის სათიბი!
 ფერი ფუცვალათ მინდორ-ველს,
 გაეხადოთ შწვანე ქათიბი.

პირალესილი ცელებით
 მივწვდეთ ზურმუხტის კულულებს,
 დაგვათრობს თივის სურნელი,
 ღიღინით ავაბულულებთ.

სანამ მკათათვე დადგება,
 გაყვითლდებიან ველები,
 ვთიბოთ და ვთიბოთ ბალახი,
 მზეზე ვაეღვოთ ცელები.

ხარის პურია ბალახი,
 დაგვლოცავს, გაეხარდება,
 მძიმე უღელში შებმული
 გულდაგულ გაემართება.

აბა, ბიჭებო, ვიჩქაროთ,
 ცელებს ნუ იქნევთ უგულოდ,
 მალე მკათათვე დადგება,
 ჰოპუნაც დავაგუგუნოთ!

გიორგი შაგხერაშვილი



პიონერული ზაფხული

470

სკოლებში გამოცდები დამთავრდა. ხმა-
წკრიალა ზარი არავის მოუწოდებს სასკო-
ლო ოთახებისაკენ.

უკვე საზაფხულო არდადეგებია.
დაიწყო საყვარელი პიონერული ზაფხუ-
ლი — პიონერ-მოსწავლეთა მოგზაურობისა
და დასვენების დღეები. ნორჩი მოგზაურე-
ბის ჯგუფები, თავიანთი სვლიგეზის მიხედ-
ვით, უკვე იწყებენ მოგზაურობას მშობ-
ლიურ მხარეში. ათასობით პიონერ-მოსწა-
ვლემ მიაშურა და კვლავ მიისწრაფიან პიონე-
რულ ბანაკებისაკენ.

ჩვენი ქვეყნის ყოველ კუთხეში აღიმართა
პიონერული ბანაკების მაღალი ანძები.

თითქმის ოცდახუთმა წელმა განვლო მას
შემდეგ, რაც ჩვენს ქვეყანაში პირველად
დაიდგა პიონერთა საბანაკო კარვები. მაშინ
ძალიან ცოტა იყო ასეთი კარვები. ამიტომ
პიონერ-მოსწავლეთა დიდი ნაწილისათვის
ქალაქებში ეწყობოდა პიონერული მოედნე-
ბი. ახლა ჩვენს სამშობლოს მრავალი კეთილ-
მოწყობილი პიონერული ბანაკი აქვს. წელს
პიონერულ ბანაკებში ზაფხულს გაატარებს
ორიმილიონ ექვსასორმოცდაათი ათასი პიო-
ნერ-მოსწავლე.

ყოველგვარი პირობა არსებობს იმისათვის,
რომ ბავშვებმა ზაფხული გაატარონ საუკე-
თესოდ. მაგრამ ისიც უნდა აღვნიშნოთ, რომ
თვითუფლებელ ბავშვზედაც არის დამოკიდებუ-
ლი, თუ რამდენად გონივრულად გამოიყე-

ნებს დასვენების ყოველგვარ შესაძლებლო-
ბას და რამდენად საინტერესოდ გახდის თა-
ვის პიონერულ ზაფხულს.

გასული წლის შემოდგომაზე, თბილისში,
ჩვენმა რედაქციამ მოაწყო პიონერულ ბანა-
კებიდან დაბრუნებულ პიონერ-მოსწავლეებ-
თან მწერლების შეხვედრა. ჩვენ გვაინტე-
რესებდა ბავშვებს გაეზიარებინათ ჩვენთვის
ბანაკებში მიღებული შთაბეჭდილებანი, ეამბ-
ნათ თავიანთი საბანაკო საქმიანობისა და ექს-
კურსიების შესახებ... და, მართლაც, მათ
ბევრი საინტერესო რამ გვითხრეს. ისინი სი-
ხარულით გვიამბობდნენ ყოველივეს და
ჩვენც გვაღფრთოვანებდა მათი ხალისიანი ხმა
და საუბარი. მაგრამ მათ შორის ჩვენ გამო-
ველაპარაკეთ ერთ მზემოკიდებულ, ჩასუქე-
ბულ ბიჭს, რომელმაც თავის საბანაკო ცხოვ-
რებაზე გვითხრა:

— ჩვენ იქ ვიყავით შესანიშნავად; თით-
ქმის ყოველდღე სადილზე მესამედ გეჭონდა
ნაყინი.

— კიდევ რა იყო იქ კარგი? — შეეკითხეს
მას. ბიჭი დაფიქრდა. შემდეგ ნაწყვეტ-ნაწყ-
ვეტად თქვა:

— სხვადასხვა ხილი... ხშირად გვიჩვენებ-
დნენ კინოსურათს... ოთახები იყო დიდი, ნა-
თელი...

ჩვენ შევეცადეთ გავგეგოთ მისგან სხვა ამ-
ბებიც, მაგრამ მან მეტი ვერაფერი შეძლო
ეთქვა. ვერ გვითხრა, რა სოფლები ერტყა ბა-
ნაკს ირგვლივ, რა ფრინველები გალობდნენ



ეროვნული
წიგნობის
კავშირები

ტყეებში, როგორი ყვავილები და ბალახები
იზრდებოდა მდელიში, რა იყო მახლობელ
მინდვრებში, რა ერაქვა კოლმეურნეობას, სა-
დაც მათი ბანაკი იდგა. ამ პიონერს არ შეუ-
გროვებია თავისი სკოლისათვის არც ერთი
კოლექცია, არც ერთი გერბარიუმი; მას არც
ერთხელ არ ჰქონია შემთხვევა ეგემა სადი-
ლი, არა მზარეთლის გაკეთებული ღუმელზე,
არამედ პიონერების დამზადებული მგზავ-
რობაში.

ეს პიონერი კმაყოფილი იყო თავისი საბა-
ნაკო დასვენებით, მაგრამ, ჩვენ ვფიქრობთ,
ეს კიდევ არ არის პიონერისათვის ნამდვილი
საუკეთესო დასვენება. ჩვენ ვფიქრობთ,
რომ საუკეთესო შეუძლია უწოდოს თავის
საბანაკო ზაფხულს იმ პიონერმა, რომელიც

არა მარტო კარგად ისვენებს ბანაკში,
ქედ ვინც, ამასთან ერთად, საკმარისად ჩვე-
რა დარბის, ზტუნავს სიმალღეზე, უკეთესად
ცოცავს და აწრთობს სხეულს; ვინც მგზავ-
რობაში ღებულობს მონაწილეობას და სწავ-
ლობს ბევრ საჭირო და საინტერესო საგნებს;
ვისაც შეუძლია დაამზადოს ზაფხულში კარგი
საჩუქარი თავისი სკოლისათვის — კოლექ-
ციები, გერბარიუმები, ალბომი; ვინც თავის
რგოლთან ერთად ეხმარება კოლმეურნეო-
ბას; ვინც ჩაიწერს ახალ ხალხურ სიმღერებ-
სა და ლექსებს...

აი რა არის სასურველი ბანაკში მყოფ ყო-
ველ პიონერ-მოსწავლისაგან.

აი რა ხდის საუცხოოდ პიონერულ ზაფ-
ხულს!



მ ა მ ა და შ ვ ი ლ ი

ოჩამჩირის რაიონის სტალინის სახელობის კოლმეურნეობაში მუშაობენ მამა
და შვილი, სოციალისტური შრომის გმირები — ვლადიმერ და ვართან არშბები.

ყანას უმზერთ ზღვად გადაშლილს,
ო, ვინ შექნა ზღვა ასეთი!
ჰკითხეთ ბეჯით მამა და შვილს,
გეტყვით ტურფა აფხაზეთი.

სად გმირული შრომით გაჩნდა
ერთ ოჯახში ორი გმირი,
ველს ქაობის დალი აჩნდა,
ააყვავეს მიწა მწირი.

გადაჩეხეს ნარი, გვიმრა,
ამოაშრეს წყალი ტბორის.
შვილი მამას შეეჯობრა,
მძაფრი იყო შებმა ორის.

ორიგ მარჯვე და ჩვენია,
ორიგ უყვარს მამულს ლამაზს,
მამულს მაინც ურჩევნია,
შვილი სჯობდეს მოხუც მამას.

არ მომტყდარა ის ბერმუხა,
ბრძოლები რომ ყვარებია,
ქარს ეომა, მეხს ექუხა,
ახლა მისი დარებია.

ყანას კიდევ ზღვად გადაშლის,
ვისაც შრომით გააქვს ლელო.
ბევრ ბედნიერ მამა და შვილს
ზრდის ბელადის საქართველო,

პარლან ქარული



ჩემი მომავალი

პარიჯანი

უკანასკნელი ფურცელი დღიურიდან.

ნახატები მ. დაუშვილით

როგორ მეჩქარებოდა გაზრდა!
როგორ მინდოდა მალე დამესრულებინა
სკოლა და დიდების ტოლი გამხდარიყავი.
და, აი, აღსრულდა! მაგრამ რაღაც სინა-
ნულსა ვგრძნობ.

მე აღარ ვიქნები იმ სკოლის მოსწავლე, სა-
დაც ასე ლაღად გავატარე თერთმეტი წელი!
შეიძლება მისვლისას მეკარემ შემაჩეროს
კიდევ, როგორც უცხო ვინმე.

ხვალ უკანასკნელად ჩავიცვამ ჩემი სკო-
ლის ყავისფერ კაბას, შავი წინსაფრით. უკა-
ნასკნელად!

შვიდი წლისაც არ ვიყავი, დედამ რომ პირ-
ველად მიმიყვანა სკოლაში და, რადგან არა-
სოდეს საბავშვო ბაღში არ მივლია, ბავშვებ-
ის დანახვაზე შევკრთი და დედის კაბის
კალთას ჩავეჭიდე.

ბავშვებმა სიცილი დამაყარეს. მაშინ ქალ-
ვაჟი ერთად ვსწავლობდით და დედაჩემს
პაინცდამაინც ეს არ მოსწონდა.

მასხოვს მასწავლებელმა უთხრა დედას:
„ვაჟებისაგან ქალები სითამამეს, გამბედაო-
ბას იძენენ და ცხოვრებაში ეს უფრო გამოა-
დგებათ, ვიდრე ქალური მოკრძალებათ.“

დედა არ ეთანხმებოდა.
მერე მასწავლებელმა ალერსიანად მომ-
ხვია ხელი და პირველ კლასში შემიყვანა.

ქერა, ხუჭუჭთმიან გოგონა თინას გვერ-
დით დამსვა.

ყველაფერი ჩემთვის უჩვეულო იყო: მერ-
ხები, შავი დაფა, ცარიელი თეთრი კედლები.

თვალები ცრემლებით ამევსო, მაგრამ თავს
ვიმაგრებდი.

მასწავლებელმა ყველას მიგვიჩინა ადგი-
ლი, ამოიკითხა ჩვენი გვარები და სახელები,
გვესაუბრა. გაგვეცნო ყველას.

ეს პირველი საათი სკოლაში, რაღაც დაუ-
სრულებელ დროდ მეჩვენებოდა.

ზარმა რომ დაიწვიალა, ბავშვები აიშალ-
ნენ. მე ვერ გავებდე ადგომა, მიჯაჭვულივით
ვიყავი მერხზე.

როგორ გამეხარდა, ღია კარში რომ თვალი
მოვკარი დედაჩემს!

ისიც შეძებდა. წამოვხტი, მივვარდი და
მივეხვიე.

— რა ისწავლე?—ლიმილით შემეკითხა
დედა.

— ლეილა აბაშიძე!—ვუბასუხე მე.

დიდხანს ახსოვდათ ჩვენს ოჯახში ეს ჩემი
პირველი პასუხი და დამცინოდნენ. მეც შე-
ცინებოდა.

მეორე დღეს უფრო თამამად წავედი სკო-
ლაში და ძალიან იშვიათად თუ გავაცდენდი
გაკვეთილებს. მალე შევეჩვიე ჩემს ტოლებს,
ერთნაირად კარგად ვიყავი როგორც გოგო-
ნებთან ისე ვაჟებთან და ისე შემიყვარდა
სკოლა, რომ ჩემს სკოლაზე უკეთესი სხვა
ვერ წარმომედგინა.

ვამაყობდი ჩემი ამხანაგებით, მასწავლებ-
ლებით; თვით სკოლის კედლებიც, შენობაც
მომწონდა.

მამა იტყოდა ხოლმე:
— ლეილა თავისი სკოლის დიდი პატრიოტი!

მე მაშინ სავსებით არ მესმოდა ამ სიტყვის შინაარსი, მაგრამ მიხაროდა, რომ მამა ასე ამბობდა.

ომის დროს ვიგრძენ, რას ნიშნავდა პატრიოტიზმი, სიძულვილი და შურისძიების გრძნობა...

სკოლის ამხანაგზე ახლობელი, მე მგონი, ძნელია ოდესმე იპოვო.

უთინიკოდ მე ვერ წარმომიდგენია არც „სწავლა“ და არც „გავლა“. მე და თინა ყველგან ერთად ვიყავით. ჩვენ ერთად გავხდით პიონერები, მერე კომკავშირელები; ერთად ვისვენებდით ბანაკებში, აგარაკებზე, ერთად ვეწერებოდით ექსპედიციებში; უმაღლეს სასწავლებელშიც ერთად უნდა მოვეწყოთ.

თინა სულ ხუთოსანი იყო და მეც მაიძულვებდა მასთან მხარდამხარ მევლო. თინა რომ არ ყოფილიყო, მე ალბათ არ მივიღებდი მედალს.

როგორ გაეხარდა დედაჩემს!

რამდენი მწუხარება გამოიარა საბრალო დედა! რამდენი ჯაფა და უძილო ღამეები, რომ ჩვენ გვესწავლა.

1941 წელი. აგარაკზე ვიყავით. სულ სამი-ოთხი დღის ჩასულები.

მოვისმინეთ მოლოტოვის სიტყვა რადიოთი. თავზარდამცემი იყო სიტყვა „ომი“. თბილისიდან მივიღეთ მამის დებეშა:—ჩამოდით, მობილიზებული ვართ... ყველაფერი ეს, ისე ჩამრჩა მეხსიერებაში, თითქოს გუშინ მომხდარიყოს.

რა აურზაური იყო სადგურზე! ხალხი ირეოდა. ბარგი ზვინებდად დაგროვდა ბაქანზე. სადგურის უფროსი გამწარებული დარბოდა. ბილეთების გაცემაზე უარს ამბობდა.

ხალხი უბილეთოდ აწყდებოდა მატარებლებს.

დედა მარტო წამოვიდა იმ დამეს. ჩვენ, მე და ჩემი უმცროსი და, დიდდასთან დავრჩით.

ჩვენ ვტიროდით. დიდდა გვაწყნარებდა. გვიამბობდა პირველ მსოფლიო ომზე, გერმანიის, ავსტრიისა და ოსმალეთის კავშირზე და გვარწმუნებდა, რომ დიდ საბჭოთა არმიას ეგრე ადვილად ვერავენ აჯობებსო.

იმ დამეს სულ არ გვეძინა. მამა მედგა თვალწინ. მამაზე ვფიქრობდი, ვღელავდი.

არც მეორე, არც მესამე დღეს დედისაგან არავითარი ცნობა არ მოგვსვლია. მოაგარაკენი ტელეფონს და შორდებოდნენ. ერთი კვირის შემდეგ ბანაკებიდანაც გაიყვანეს პიონერები და აგარაკები სულ დაცარიელდა.

დიდდა ისევ წყნარად გველაპარაკებოდა: — არაფერია, რა ვუყოთ! ომის დროს ძველად ხალხი მთებში იხიზნებოდა... თქვენ კი მთებიდან ქალაქში აპირებთ წასვლას...

ბებია ფრონტზე წამყოფი იყო, გამოცდილი, მაგრამ მე იმისი სიწყნარე მამბრაზებდა. მინდოდა მამა მენახა. მეშინოდა, რომ ფრონტზე უჩვენოდ წავიდოდა.

ასე ერთი კვირა გავატარეთ. მოულოდნელად, შუა ღამისას, მამა თავზე დაგვადგა.

შვენიოდა სამხედრო ექიმის ტანისამოსი. ცისფერი თვალები შემოანათა ჩვენს ჩაბნელებულ ოთახში. ჩვეულებრივად იღიმებოდა. კარგ გუნებაზე იყო. გვიალერსებდა. გვიამბობდა რა ხდებოდა ქალაქში. იმ დამესვე შეგვიკრა ბარგი და დილაადრიანად წამოგვიყვანა თბილისში.

მე მაშინ თერთმეტი წლისა ვიყავი. მეხუთე კლასში გადავიდი.


აი, ახლა, მე მამის მაგიდასთან ვზივარ, ვწერ ამ ფურცელს და მისი სურათი დამცქერის. როგორც ცოცხალს, ისე ჩიბუხი აქვს პირში.

უჩიბუხოთ მამა არავის არ ახსოვს. ერთობოდა ამ ჩიბუხით.

ეს ჩიბუხი მე გაჩუქე მამიკო...

ნახევარი წლის შემდეგ, იანვარში, მამა გაგზავნეს ფრონტზე.





წყეული ფაშისტები!

დაიწყო დაუსრულებელი ლოდინი. ველო-
დით დეპეშებს, წერილებს, ცნობებს, გა-
მარჯვებას, ომის დასრულებას.

დღეა პირდაპირ ჩამოხმა. დღე და დამე
მუშაობდა, რომ არაფერი დაგვკლებოდა.
ეზიდებოდა ულუფებს, ჰქსოვდა, ხატავდა,
ქარავდა.

ჩვენ არასოდეს არ გვაცდენდა, რომ კარ-
გად გვესწავლა და მამა კმაყოფილი ყოფი-
ლიყო.

დიდხანს გვიმალავდნენ ჩვენ, ბავშვებს, მა-
მის სიკვდილს.

დღეა ვაჟკაცურად იქცეოდა და ხშირად
ჩვენს გასაგონად თავისი საყვარელი პოეტის
ვაჟას სიტყვებს გვიმეორებდა:

„ჭირში ყოფნის დროს გაძლება
მუდამ ვაჟკაცის წესია“.

მე აზრადაც არ მომდიოდა, რომ დღეა ამა-
ყობდა მამაჩემით, როდესაც კითხულობდა:

„განა ყველა რაც ხმელია,
კაცისგან საწუნარია?“

ათას ცოცხალსა ბევრჯელა
ათჯერ სჯობს ერთი მკვდარია“.

რა ვიცოდი, რომ ამ დროს დღეა მამას გუ-
ლისხმობდა!

ეს ერთი მკვდარი—ჩემი კეთილი, თავდა-
დებული მამა იყო თურმე.

და, აი, ახლა მე უეჭველად შევალ სამედი-
ცინო ინსტიტუტში, ექიმი ვიქნები და ისევე
ერთგულად ვუმკურნალებ ხალხს, როგორც
მამა მკურნალობდა.

რამდენჯერ გამიგია ავადმყოფებისაგან:

„კარგი ხელი აქვს ამ ექიმს“.

„კარგად მაქვს დაცდილი ამის ხელი“.

„მაგის მარჯვენამ იხაროს“.

მამა, ჩემო მამა!

აი, ამ კარებზე დარჩა შენი ხელით დახა-
ზული ფანქრის ზოლები.

შენ ამ კარის ჩარჩოზე, აგარაკზე წასვლი-
სას, უკანასკნელად დანიშნე ჩემი და ჩემი
ღის სიმაღლე და ვეღარ შეამოწმე, თუ რამ-
დენად გაიზარდნენ შენი გოგონები...

უკვე დიდიხანია გადავცდით ამ ხაზებს,
გავიზარდეთ, დავექალდით... და დღეს როცა
მეკითხებიან: რა მიზანი გაქვს ცხოვრებაშიო,
ჩემო საყვარელო მამა, მე შენ გაძლევ სიტ-
ყვას: შენი ლეილა შენს სახელს არ შეარც-
ხვენს...

მე შევისწავლი ყოველივეს, რაც შენ იცო-
დი. მე გავეცნობი შენს ნამუშევარს, შენს ნა-
წერებს და ამით მინდა გავაგრძელო შენი
უღროოდ შეწყვეტილი სიცოცხლე, შენი საქ-
მე და ღირსეულად ვემსახურო ჩემს ხალხსა
და სამშობლოს.





აქ ცხოვრობდა კალინინი

თბილისში, საბჭოს ქუჩაზე 1900 წელს
ცხოვრობდა მიხეილ ივანეს-ძე კალინინი.

საბჭოს ქუჩაზე სახლი დგას,
სახლი უბრალოდ ნაგები,
შევალ და თითქოს კედლების
ათრთოლდებიან ბაგენი.

ქვა თუ აგურის ნატეხი
მზის სინათლეში ჩამჯდარა,
რა ბევრს მეტყველებს ცისფერი
ორი პატარა ფანჯარა.

როს საყვირის ხმას მიჰყვება
ხალხი შრომისთვის ამდგარი,
ფანჯრებში შემოიჭრება
რუხი დაზვების დგანდგარი;

ასე მგონია, რომ ისიც
ჩარხავს მანქანის ნაწილებს
და ცეცხლთან დიდი ლენინის
სიბრძნეს უნერგავს არწივებს.

და მაშინ, როცა საღამო
მაღალ მთებს ნისლში მიმაღავს,
მწამს ამოჰყვება კიბეებს
სინათლისაკენ მიმავალს.

დიდება სახლო პატარავ!
ვკოცნი შენს დამცხრალ იარებს,
შენ, როგორც თანავარსკვლაფი,
გორის გარშემო ტრიალებ.

ვახვანუშ გორგენაული





მოთარ ნაშსაქი

ნახ. 5. ფოტხაძისა

წერილი მეორე

საბანაკო ხაზი და ანძა

ბანაკის ცენტრალურ ადგილას ეწყობა საბანაკო ხაზი, რომლის შუაშიც აღიმართება 15-20 მეტრის სიმაღლის ანძა. ანძაზე დამაგრებულია დროშა, რომელიც საჭიროების შემთხვევაში აღიმართება და საჭიროების შემთხვევაში დაეშვება.

ყოველ დილას და საღამოს ბანაკის მთელი რაზმეული, რაზმების მიხედვით სდგება საბანაკო ხაზზე (მათთვის წინასწარ განკუთვნილ ადგილას). ხაზზე მოწყობა ხდება ისეთივე წესით, როგორც სკოლის რაზმეულის ხაზზე, მხოლოდ იმ განსხვავებით, რომ აქ რაზმები სდგებიან ანძის გარშემო ოთხკუთხედად.

რაზმების საბჭოს თავმჯდომარეების მიერ რგოლის ხელმძღვანელებიდან პატაკების მიღების შემდეგ—ბანაკის უფროსი მორიგე იძლევა განკარგულებას:

„დროშის გამოტანისათვის რაზმეულო, სმენა“; რაზმეულის მედლოე უკრავს მარშს. მედროშეს გამოაქვს გაშლილი დროშა მარცხენა ფრთიდან და მწყობრის წინ გავლით სდგება მარჯვენა ფრთაზე. „თავისუფლად“! იძლევა განკარგულებას ბანაკის უფროსი მორიგე და იწყებს პატაკების მიღებას რაზმის საბჭოს თავმჯდომარეებიდან. (ის რაზმი, რომლის საბჭოს თავმჯდომარე აბარებს პატაკს, სდგას „სმენაზე“). პატაკების მიღების შემდეგ უფროსი მორიგე ბანაკის მთლიანი მდგომარეობის შესახებ აბარებს პატაკს ბანაკის უფროსს, ან უფროს პიონერხელმძღვანელს.

პატაკის შინაარსი ასეთია:

„ამხანაგო ბანაკის უფროსო! ლ. პ. ბერიას სახელობის ქობულეთის რესპუბლიკურ პიონერ ბანაკში იმყოფება 300 პიონერი, ხაზზე ესწრება 300. რაზმეული მზად არის დღის რეჟიმის შესასრულებლად. ბანაკის უფროსი მორიგე წულაია“.

ბანაკის უფროსი მიესალმება პიონერებს.

უფროსი მორიგე იძლევა განკარგულებას: „ბანაკო სმენა“! რაზმეულის მედლოე და მესაყვირე უკრავენ ტუშს. პიონერები მღერაიან სსრ კავშირის, ან საქართველოს ჰიმნს და ანძასთან მყოფი მორიგე პიონერი ანძაზე ასწევს დროშას.




ანდაზე დროშა აღიმართება—ბანაკმა მუშაობა დაიწყო. უფროსი მორიგის განკარგულებით რაზმეულის დროშა მწყობრის წინ გავლით გააქვთ.

ამის შემდეგ უფროსი მორიგე აცნობს იმ დღის რეჟიმს, რომელიც წინა საღამოს იქნა შედგენილი და ყველა პიონერისათვის ნათელი ხდება, თუ რა უნდა გააკეთოს მისმა რაზმმა აღნიშნულ დღეს.

საღამოსაც ეწეობა ასეთივე ანალოგიური ხაზი, ხოლო იმ განსხვავებით, რომ პატაკებში აღინიშნება, თუ რომელმა რაზმმა როგორ შეასრულა დღის რეჟიმი.

საბანაკო ხაზზე ხდება საუკეთესო პიონერების გამოცხადება. ბანაკის უფროსის ბრძანებების გაცნობა, წესრიგის დაწესება ბავშვებისათვის შენიშვნების მიცემა და ასე შემდეგ.



მორიგეობა პიონერულ ბანაკში

დიდ პიონერულ ბანაკში მორიგედ ინიშნება რაზმი, რომლის ხელმძღვანელი ითვლება ბანაკის უფროს მორიგედ, ხოლო აღნიშნულ რაზმის საბჭოს თავმჯდომარე უფროსი მორიგის მოადგილედ.

მორიგე რაზმის რგოლებს შორის ნაწილდება დავალებები: ერთი რგოლი ინიშნება სამორიგეოდ ბანაკის ტერიტორიის დაცვისათვის, მეორე სამხარეთლოში საქუშაოდ, მესამე საცხოვრებელ კორპუსებში წესრიგის დაცვისათვის და ასე შემდეგ.

კმლის, რაზმის და ბანაკის დღიური

ყოველი დღის ბოლოს ბანაკში პიონერები წერენ დღიურს. რაზმისა და რგოლის დღიურებს წერენ პიონერები რიგ-რიგობით, ხოლო საბანაკო დღიურს წერს მორიგე პიონერული რაზმი. დღიური უნდა იყოს საინტერესო, ლამაზად დაწერილი და გაფორმებული ნახატებით, სურათებით, ბავშვთა ლექსებით.

დღიურის პირველ ნაწილში პიონერებმა უნდა ასწერონ დღიური მუშაობა. ხოლო მეორე ნაწილში უნდა გადმოგვცენ თავიანთი შთაბეჭდილებანი და განცდები ჩატარებულ მუშაობაზე.





ზაზა მესხი

მუკამან ლუბანიძე

ნახატები ალ. გიგოლაშვილისა

მოთხრობა

თავი პირველი

თ ი ბ ა თ ვ ე

— ჰოი, დალახეროს ეშმაკმა! — წამოიძახა პაპა კახაბერმა, როცა ღერძამსხვრეული ორთვალა მარცხნივ გადაიღრიცა და თივით საესე ურემი ვიწრო კლდეში გატენილი საბძელივით აისვეტა.

არა, რა ჰქნას ახლა პაპა კახაბერმა! მარჯვნივ — კლდე, მარცხნივ — უფსკრული... არც წინმძღოლი ჰყავს, არც ვინმეა ახლოს, აღარც ძველი ჯანი მოსდევს ბერიკაცს, ურემი კი გახიდულა კლდეში და დაოჩნებული ხარების ქოშინზე გულშემადონებლად ირწევა უფსკრულის ქიმზე.

თიბათვე. თეთრი ანაგვირილა და ცეცხლისფერი იელი სერი-სერ. მზე მთებში ჩაიწვერა, ძირს მდინარე გრგვინავს და იისფერ საღამოს ველიბილის თივის სუნი და ფოცხვრევის წისლების საამო სიგრილე მოაქვს კლდეში.

— ეჰეი, რომელი ხარ მანდ! — გასძახის პაპა კახაბერი ალაღბედზე. არაფინ პასუხობს. კლდე კი აბრუნებს მიღებულს:

— ეჰეი, რომელი ხარ მანდ!

უკანასკნელმა ურემებმა მშვიდობით ჩაიარეს თამარის კლდე, ფოთლიანში ჩააქლარუნეს ეყენები და ვაკეზე გაბაჯბაჯდნენ.

ჰაი დედასა! დასტოვეს პაპა კახაბერი ამ ტიელ კლდეში, დაღლილი, დაოჩნებული ხარებით, გატეხილი ღერძით და გატეხილი ჯანით. მერე და ვინ დასტოვა?! სხვას თაგი დავანებოთ— გუშინდელმა ბარტყებმა, მის ხელში დაჩიტულმა, მისმა გაზრდილმა ბიჭებმა: გოგია ზვარელმა, შაქარა ზვარელმა, ზაზა მესხმა და ზვარელების სახლისაშვილმა უშოლთელმა ნოდარა დაუშვილმა.

ჰაი დედასა! დაბერდა პაპა კახაბერი, თორემ რა სჭირდა შაგათი საშველი! დილით წასული სამ საათში აივლიდა ოც ვერსს, ქოლოსუკან გავიდოდა, სადილობამდე საბძლისოდენ ურემს დაუდებდა და სამხრობისას პირველი ჩამოვიდოდა ზვარეთს. მოსწრებული ბიჭები მხარში ედგნენ — მეორე უღელ ხარს მოჰყვებოდნენ. თაკილობდა პაპა კახაბერი, — თქვენს ურემს მიხედეთო, ახლა კი...

— ეჰეი, რომელი ხარ მანდ?..

არაფინ პასუხობს.

ურემს ჩაეჭიდა მოხუცი, მარჯვნივ უმარჯვებს; ვაი, თუ გაიწიონ ხარებმა, — თავსაც ჩაჰკარგავენ ხრამში და ურემსაც. მადლია ახლა ერთი წინმძღოლი! როდემდე



იღგეს ასე პაპა კახაბერი?! ხელი ჩაიჭნია, ქვაზე ჩამოჯდა, ყალიონი გააჩაღა და ჩაფიქრდა.

ქლიავისტერი ბინდი ჩამოიშალა სერი-სერ.

სოფელში ჩოჩქოლია. ჭრელკაბა გოგონებს თვალი თამარის კლდისკენ მიექცათ. ლობე-ლობე დადის ჩურჩული: ამალამ მთვარე ამოვა—სავსე მთვარე, თივობა ჩამოთავდება, — ლამის თევა იქნება ამალამ.

კალოკართან მარინე, მზია და ხათუნა მოდგნენ. ნუნუ აივანზე გამორბის თმის ვარცხნითა და კაბის სწორებით.

— მზადა ხარ, გოგო!

— მზადა ვარ, მზადა!

ახლა ოთხნი დგანან მეხუთე კალოკართან. მერე — ხუთნი მეექვსესთან...

— მზადა ვართ, მზადა!

ამალამ თივობა ჩამოთავდება, მთვარე იქნება ამალამ; ბებერ კაკალზე ჩამოჯდება გაბადრული და წვრილ-წვრილ ვარსკვლავებს შემოირიგებს შტოებზე.

დაირებს ახურებენ თონეზე. ნამცხვრითა და შემწვრით სავსე ხელკალათებს ხათუნაანთსა აგზავნიან დედები. ახსოვთ თაყიანთი ახალგაზრდობა, და ნაქურჩლით დაცობილ თითო ბოთლს კალათის სახელური-სათვის მიუბჯენია კისერი.

— მზადა ხარ, გოგო?

— მზადა ვარ, მზადა!

ბიჭები: კი არ ჩანან.

ნეტა რად დააგვიანდათ მემთეურებს?! წუხანდელი წასულები არიან და სადილობამდეც უნდა დაბრუნებულიყვნენ.

ჭრელკაბა გოგონებს თვალი თამარის კლდისკენ მიექცათ.

ოცდაათი ურემი ოცდაათი დათვივით მობაჯბაჯებს, ოცდაათი შოლტი მოსტკაცუნებს, ოცდაათი წყვილი ეყვანა მოსქლარუნებს, ოცდაათი ფარანი მოსცახცახებს, და ნაურმალზე რჩება შემეპყნარი მთის ბილილა, რძია-რძია და ვაციწვერა.

მოხვეულში ოცდამეცხრე ურემი შეჩერდა.

— ნოდარ, დააყენე ურემი!

შედგა ოცდამეათეც. ხარებმა მეწინავე ურემს თევა ჩამოსწიწყნეს.

— რა ჯანდაბამ გაგაჩერა, ბიჭო, გასწი, გვიანდება!

— პაპა კახაბერი არ ჩანს!

— წინ იქნება!

— არა, უკან მოგვდევდა... ჩამოგვრჩა, შევუცადოთ!

ბიჭებმა ხარებს აპეური შეუშვეს, დაუწყეს ნები ლოდზე ჩამოდგეს, გზის პირად ჩამოსხდნენ და ყური მიუდგეს.

ერთხანს ისევ ისმოდა მეწინავე ურემების ევენების უღარუნი, შოლტების ტკაცუნი, ფოლადით შემოსალტული თვლების სხლტომა ქვა-ლორწზე და თივის შრიალი, მერე ყველაფერი მიწყდა და ვარსკვლავების ლიცლიცს ჭრიჭინობლებმა ააყოლეს ჭიანურები.

ჭრ... ჭრ... იქნებ იმ მოლიცილიცე ვარსკვლავებზე სხედან თიბათვის დაუშვხრალი მესაკრავენი!

სიჩუმე. მერე ისევ — ჭრ... ჭრ...

ურმიდან ქვასავით ჩამოვარდა უზარმაზარი კუტკალია, ნოდარს შუბლზე დაეცა, მერე ისკუბა, აბობლდა ლოდზე, იდაყვები შეისწორა და ფარანს ელამი თვალები მიაჭყიტა.

უშოლთელმა უსიამოდ მოისვა ხელი შუბლზე და საჩქაროდ წამოდგა:

— აკი ვითხარი წინ არი მეთქი! გასწი ზაზა, წავიდეთ, ამალამ ლამისთევაა. გოგონები თავს მოიკლავენ, რომ არ ჩავუსწრო, პირობა მაქვს მიცემული, უჩემოდ არც ეღირება ლამისთევა...

არ ეჭვნიკა ზაზას ნოდარის სიტყვა. წინ არისო მოხუცი, იცრუა ნოდარმა. შუა შექმერში, როცა სახლში დროულად ჩასვლის იმედი ჰქონდა ყველას, აკი თვითონ უთხრა ზაზას: ჩამოგვრჩაო პაპა კახაბერი...

— შევიცადოთ ნოდარ, რა მოუთმენელი ყოფილხარ! — წასცდა ზაზას და თითზე იკბინა.

დაუშვილმა ლოყები აიღეწა, ფარანი აიტაცა, შოლტი შეატკაცუნა და ხმაში ფოლადი გაურია:

— ჯანდაბამდე გზაც გქონიათ! გადააყენე ურემი!

ზაზამ ერთხელ კიდევ იკბინა თითზე, დავამშვიდებო იფიქრა, მაგრამ გვიანდა იყო. უხმოდ შემოუარა გზაზე გახილულ წინა ურემს, ფართოში გაიყვანა და მარცხნივ გადააყენა.

ნოდარმა ურემი დაძრა. მისი შოლტის ტკაცუნი და გაბრაზებული ყიჟინი მალე ღამეში ჩაიკარგა.

თამარის კლდისთავს მთვარე შემოჯდა. ჭრ... ჭრ... ლიცლიცებენ ვარსკვლავები. ამალამ ლამისთევაა ხათუნაანთსა, ნოდარი სუფრის თავში დაბრძანდება, რა თქმა უნდა. ირგვლივ მზია, ხათუნა, მარინე და... ნუნუ შემოუსხდებიან...

ჰო, ნუნუც იქ იქნება.

მეცხრედ წასთვლიმა, მეცხრედ გამოფ-
ხიზლდა და მეცხრედ გააჩაღა ყალიონი პა-
პა კახაბერმა.

მიატოვეს მოხუცი ღია ცისქვეშ და სო-
ფელს მიაშურეს. ახლა, ალბათ, ნავახშმეგია
ყველა და, ძილის წინ, ბუხართან საუბრო-
ბენ ხვალის დღისას.

პაი დედასა, რა ბიჭები მოუკლეს ომში
კახაბერ ზვარელს!..

შვილებმა შვილიშვილი გაახსენეს მო-
ხუცს: უფროსი ვაჟის ასული ნუნუ. გულზე
მწუხრი შემოაწვა.

თექვსმეტი წლისაა ნუნუ, ქალაქში ცხოვ-
რობდა დედ-მამასთან ერთად. მამა ლაშ-
ქარს წავიდა. ორმოცდაათხ წელს ფილტვე-
ბი დაეჩრდილა გოგონას. დედამ ექიმების
რჩევით თბილისი დასტოვა და ერთადერთი
იმედი, ერთადერთი შვილიშვილი რაჭაში
ჩამოჰგვარა პაპა კახაბერს.

დაენაცვლოს პაპა კახაბერი ცუბრი-გოგო-
სა! ღვთისნიერია, ჭკვიანი, — ქვეყანას ურ-
ჩევნია პაპა კახაბერი. ოლონდ... ნამეტნავად
მგრძნობიარეა და გულის ამყოლი; ამადამ არ
დაიძინებს დარდით და დილით გადაყვით-
ლებული ლოყებილა შერჩება პაპა კახაბერს
საამბოროდ.

არა, რაღა ამ კლდეში გატყდა ის ოხერი
ღერძი! ღერძის გამოცვლას ვინ ჩივის, განძ-
რევისა გეშინია, — ხარები არ დაფრთხნენ
და ხარ-ურემი სრულად არ გახდეს გამო-
საცვლელი.

მაგრამ, ჩუ, ნეტა, ვინ მოდგა ურემს წინ!
დაწოლილი ხარები ფეხზე წამოცვივდ-
ნენ და ქვებზე ნაპერწკალი ვაჰყარეს.

— გაიღვიძე, პაპა კახაბერ, გაიღვიძე!

რაო, ეჩვენება ალბათ მოხუცს. შენ ჰეი,
ვილაც მოჩვენებავ, სრულიადაც არა სძინავს
პაპა კახაბერს, ყალიონს აბოლებს და უცდის
გათენებას!

— გაიღვიძე, პაპა კახაბერ, გაიღვიძე!

— ეჰეი, რომელი ხარ მანდ?!

— მე ვარ, პაპა კახაბერ, ზაზა!

— რომელი ზაზა ხარ, ბიჭო?!

— ზაზა ვარ, მესხი! რად გიკვირს, რომე-
ლი ზაზა ვიქნები!

პაპა კახაბერს სიხარულმა დაჰკრა, — კი-
ნალამ მუხლი მოეკვეთა.

— გენაცვალე, ბიჭო, გენაცვალე!..

გენაცვალე ბიჭი რქებზე გადმოევლო ხა-
რებს, ცხენოსნისსიმაღლე ურემს გადმოა-
ცოცდა; ფარანი ღერძს მიანათა, ჯერ წარბი
შეჰკრა, მერე მოხუცს ხმელ ხერხემალზე ხე-
ლი ძმაკაცივით დაჰკრა, და ისევ გადააცოც-
და ურემს მოჩვენებასავით,



— აბა, მოეკიდე პაპა კახაბერ და მარჯვ-
ნივ უმარჯვე!

ურემი ქვებზე სსლტება და წელგათ-
რეულივით ნელი-ნელ მიიწევს წინ.

— აგრე, ბიჭო, აგრე!

ნახევარი საათის შემდეგ ურემი ფოთ-
ლიანში შეჩერდა.

— შენი ხარები სადღა არიან? — ჰკითხა
მოხუცმა.

— ქვევით. იქამდეც ჩავალთ; ახლა კი ეს
თელა წამოვაქციოთ, საღერძეა ნამდვილად.

— უპასუხა ზაზამ და ქამარში გაჩრილი
წალდი გაიძრო.

სოფელი მემთეურების დაბრუნებამ ააყაყა-
ნა. ურემები საბძლებმა მიიბარეს და ჩასთვ-
ლიმეს. ბიჭებმა ტანსაცმელი გამოიცვალეს,
ხელ-პირი დაიბანეს და ღობეებს გადა-
ფრინდნენ.

— მოდიან, მოდიან! — იტკრციალეს გო-
გონებმა, კაკლისქვეშ გაშლილი გრძელი



საქართველოს
ხელნაწილების
სამეცნიერო ცენტრი

სუფრა მიატოვეს, შარაგზაზე გამოცვივდნენ და ბიჭებს „რაშოვდა“ მიაგებეს.

ბანი აკლიათ გოგონებს, ბანი! შაქარა ზვარელს შარშან დაუბოხდა ხმა, ყელს ღობეზე შეფრენილი ყვინჩილივით იღერებს, ნოდარს ძმაკაცურად ეყრდნობა მხარზე და სხვებსაც აქეზებს.

გუგუნებს „რაშოვდა“, გრიალებს დაირა, პაწაწა ეყენები საყურეებივით ირხევიან და ქღრიალებენ...

უცებ ხათუნამ სიმღერა შეწყვიტა და ბიჭებს თვალი მოავლო; ვერ იბოვა ვისაც ეძებდა. მერე ნოდარს მკლავში ხელი მოჰკიდა და ხმამაღლა ჰკითხა:

— ზაზა სადღა არი, ზაზა?!

ნოდარს უსიამოვნება აუსახა შუბლზე. წაუყრტა.

— ნოდარ, — ისევ გაბედა ხათუნამ, — აკი გითხარი ზაზასთან ერთად მოდიოქო, სად არის ზაზა?!

— ზაზა?! მე რა ვიცი! მოვა ალბათ, გზაში ვუთხარი ღამისთევაზე გვიგვიანდება მეოქი, ის კი თამარის კლდეში დარჩა მიანც. აიჩემა, პაპა კახაბერი ჩამოგვრჩაო...

ზაზა რომ არ ერია ბიჭებში, ადრევე იგრძნო ნუნუმ, ახლა პაპა კახაბერიც ახსენეს — ჩამორჩაო შემთეურებს... ელდა ეცა და გაიწია:

— მივდივარ!

სწორებმა იციან ნუნუს ხასიათი; მზია და მარინე გააყოლეს შინ. ერთი საათის შემდეგ გოგონები მობრუნდნენ:

— წავიდნენ!..

— ვინ წავიდნენ?!

— ნუნუ და ზაზას დედა — ქეთევანი!

— სად წავიდნენ?!

— თამარის კლდეში, პაპა კახაბერთან შესახვედრად!

შაქარამ და გოგიმ ნოდარს გადახედეს და მხრები აიჩეჩეს:

— გოგონებო, თქვენს დობას ვფიცავთ, გაკვირვებასა ვართ!

ნირშეცვლილმა ნოდარმა იხტიბარი არ გაიტეხა და უხერხულობის გასაქარწყლებლად საცეკვაო მოითხოვა.

სიყვარულისას ვინ იტყვის, მაგრამ ცოტა შიში და მორიდება აქვთ დაუშვილისა.

გუგუნებს დაირა, ეყენები უნიათოდ ქღრიალებენ, სიმღერასა და ცეკვას ძალდატანება ემჩნევა, ორიოდვე წრეს შემოუვლიან გოგონები და განზე გადგებიან.

მთვარემ რახანია მიატოვა კაკლის კენწერო და სამთვაროს უახლოვდება. ვარსკვლავები მიიბუჟტენ. სოველი სიგრილე მოაქვს

დილის ნიავს და ცისკრის შუქურაში ციციებს ცისკიდურზე.

ნელი-ნელ გაიკრიფნენ ღამისმთევლები. ხუთიოდე ვაჟი და ამდენივე გოგონა უზის სუფრას, ისინიც მზად არიან წასასვლელად, თამადა კი თვლემს მაგიდაზე იდაყვებდაყრდნობილი. დროდადრო გამოფხიზლდება, თითისწერებზე შემდგარ მეზობელს ძალით მოისვამს გვერდით და ისევ წასთვლემს.

— ნოდარ, ავიშალოთ! დროა! — ჩასჩურჩულებს ყურში შაქარა.

— რაო, რა თქვი?!

— ავიშალოთ მეოქი, ეაწუხებთ ხალხს, ეძინება ხათუნას!

— ჰო, წავიდეთ, ვდგები!

და როცა ადგა, შარაგზაზე შოლტების ნაცნობი ტკაცუნე გაისმა. კალოკარის ვაღება აღარ დააცალა ხათუნას, ღობე გადაამტვრია და ურმებს წინ გადაუდგა.

მოგრუხუნებენ ურმები, შრიალებს თივა, მარჯვენა კავეზზე ჩამქრალი ფარნები ირწყვიან. პაპა კახაბერის ურემს ქეთევანი უძღვის წინ — გოროზად წარბშეკრული და მხნე.

ზაზას ხელი უკიდია ურემზე, ნუნუ უძღვის ხარებს; ფერგამკრთალს, მთის ბილილისა და ანაგვირილას გვირგვინი ადგას თავზე.

— დილამშვიდობისა, ახალგაზრდებო! — ამბობენ ძუნწად დეიდა ქეთევანი და პაპა კახაბერი.

— გამარჯვებათ, ბიჭებო! — ამბობენ ზაზა და ნუნუ.

ჩაიარეს ურმებმა. ხტიან ფოლადით შემოსალტული თვლები ქვა-ღორღზე და ირხევიან ნუნუს შუბლზე ჯერ კიდევ ცოცხალი მთის ბილილა და ანაგვირილა.

თაში მემკრი

„ლ ა ხ ტ უ რ ი“

სხვა ქალია დეიდა ქეთევანი: გამრჯე, მოსიყვარულე, ვაჟკაცური, მაგრამ ცოტაც მკაცრი და უთქმელი. დეიდა ქეთევანს ეძახის მთელს სოფელში დიდ-პატარა.

— არა, ავრე რად მამბერებ, მე კაი კაცო, რა დეიდაშენი მნახე, ჩემი ზაზას კბილა უმცროსი გოგო გყავს!

კარის მეზობელი გალიმებს და მხარზე სიყვარულით მოუთათუნებს ხელს:

— დეიდა ქეთევან, მათხოვე ცალი ხარი — ჩემსას ქედი აქვს ნატყენი!

დეიდა ქეთევანი იფეთქებს:

— არა, რამ დაგაბეჩავათ, თქვე ჩემი ცოდ-

ვით საფსევებო! მარტოხელა ქალი ვარ, ქმარი
ომში დაკარგე, ერთ ბიჭს შევცქერია... მე
უნდა გათხოვოთ ხარ-ურემიცა და ცხენიც! —
მერე ღიმილი აესახება სასანდომიან პირსახე-
ზე და დაუმატებს:

— ზახას ჰყავს შეშაზე; უკანასკნელ გზო-
ბას სადილობამდე ჩამოათავებს და წაიყვანე!
ფუსფუსებს, ტრიალებს, მუდამ რალაც
აქვს დამთავრებული, მუდამ რალაც აქვს
დაწყებული, მუდამ იმედი უძევს გულ-
ში... ცრუობს დეიდა ქეთევანი, — ერთ ბიჭს
შევცქერია. ერთს შეცქერის და კიდევ აგერ,
აი, იმ პირსახეს, კეთილად გაღიმებულს,
შავულეაშას, შავგვრემანს და შავსავე ჩარ-
ჩოში მკერდამდე ჩამდვარს...

ვისაც ვინმე თავისი ხელით არ დაუმარ-
ხავს, მოვაო სჯერა!

შავი ქალაღი აგერ, იმ შავ ჩარჩოშია გაჩ-
რილი, იმედი კი თეთრი ქალაღია და გულ-
ში ფარფატებს...

იფარფატე თეთრო ქალაღო, იფარფატე!
ან კი რად არ იფარფატებს თეთრი იმედი
შავი ქვრივის გულში! აგერ უკვე მეცხრე
კლასშია დედისერთა. თექვსმეტი წლისა ეხ-
ლახან შესრულდა; გაიბადრა, იგსება და რა-
ხანია თეთრსა და შავს არჩევს, ქვეყნისა გა-
ეგება. აზრით ოცდახუთი წლისას ჰგავს, მუ-
ყაითია, ხელმარჯვე. თლის, ხერხავს, ჩეხავს,
ლობავს... თანაც ხატავს.

ბიჭია მეთქი, ბიჭი, მავას დაენაცვლოს დე-
დამისი!

არა, ეს ხატვა ვინა ასწავლა ნეტა?
ერთხელ შეეთავშალმობურვილი, წარბ-
შეკრული ქალი დახატა. იჯდა მთის ქალი
პატარა კალოზე და სიმინდს არჩევდა. დიდ
ხანს ხატა ზაზამ; როცა დაამთავრა, პაპა კა-
ხაბერმა ხელი გაშალა და წამოიძახა:

— ხალო, ეს ხომ დეიდა ქეთევანია!..
ბიჭია მეთქი, ბიჭი, მავას დაენაცვლოს დე-
დამისი!

აი, ახლაც აივანზე ზის წიფლის ფიცარს
თლის და ღიღინებს.

— შეილო ზაზა, რას აკეთებ?
— არაფერს, დედიკო, არაფერს!

ქვრივი ზეზე წამოდგა, გარჩეული ლობიო
ფონალში ჩაპყარა, წინსაფარი შეიბერტყა
და აივნისაკენ გაემართა.

ბიჭმა დედის ფეხის ხმა გაიგო, გამზადე-
ბული ჩარჩო სავეს ტომრის უკან დამალა და
ახალ ფიცარს დაუწყო თლა.

ქვრივმა კოკა შემოიღდა მხარზე და წასე-
ლა დააპირა, მერე უტებ ჩარჩოს დაადგა თვა-
ლი და წარბი შეიკრა:

— ოჰო, მხატვრობა დაგიწყია ისევ! გამი-
წყალე მეთქი, ბიჭო, რაც კი სადმე ტილო

მქონდა! თეფშების საწმენდი არ გააკრი-
ხედ, თორემ ვერ გადამიჩრები!

ნეტა, ის ზეთის საღებავია თუ უნდა
საღებავი მოულოდნელს! — გაიფიქრა ქვრივმა, მე-
რე ეზოდან ამოსძახა:

— ქათმებზე თვალი გეჭიროს, ბოსტანში
არ გადავიდნენ და პამიდორი არ გამოკენკონ!

* * *

აფორიაქებული დაბრუნდა დეიდა ქეთევა-
ნი სახლში; ქვრივი ქვრივს შეხვედრია
წყაროზე, გადაუკოცნიათ, მოუკითხავთ ერ-
თი-მეორე. ორ ნაბიჯზე ცხოვრობენ ერთმა-
ნეთთან და ბარე სამი კვირაც იქნება არ შე-
ხვედრილან. უყვართ ქვრივებს ერთმანეთი.
ვინ იცის რად?! იქნებ იმისათვის, რომ
ორთავე ქვრივია, ან იქნებ იმისათვის რომ
ორთავე თითო მზეს შესცქერის — თითო
სიყრმის შვილს!

კოკები აავსეს, ლაშქარს დაკარგული
ქმრები გაიხსენეს, იტირეს, სხვატ ატირეს,
მერე ელისაბედმა ცრემლები შეიმშრალა და
ჩურჩულით თქვა:

— უბედური დედა ვარ, ქეთევან, უბედუ-
რი!



— რაო, რა მოგივდა, ქალო! — გაიოცა დეილა ქეთევანმა.

— ნუთუ მყავს ავად... წევს!

— მერე და რა მოგდის, ქალო, ავად არავინ ყოფილა?!

— ეხ, ჩემო ქეთევან, ავადმყოფობაცაა და ავადმყოფობაც! თუმცა... იქნებ იმდენიც არაფერი იყოს, რამდენადაც ამხანაგები ერიდებიან!

— რაო, ამხანაგებიო?! — გაიკვირვა ქვრივმა. სხვისი უბედურება მარტო სხვისი არ არის დეილა ქეთევანისათვის; რეტლასხმული მოალაჯებს შარავნაზე და ფიქრობს. ამხანაგები ერიდებიანო ბავშვს. ვინ არიან ის „ამხანაგები“, ელისაბედმა რომ თქვა?! ზაზა და ხათუნა — აბა, სხვა ვინ?!

— აფორიაქებული დაბრუნდა დეილა ქეთევანი სახლში. კოკა ისე მიაჯახა იატაკს, რომ მაგიდაზე გარეცხილი თევზებიდან კინალამ ისკუბეს ჩანგლებმა.

— ზაზა!

— არაფერ პასუხობს.

— ზაზა, სად დაიკარგე, ბიჭო?!

— ბოსტანში გადაიხედა ქვრივმა — არავინაა. ქათმები კენკავენ პამიდორს. კარზე-ვენახი შემოირბინა — არც იქაა ვინმე.

— ცამ უყო პირი თუ მიწამ! ზაზა, სადა ხარ, ბიჭო!

— ღობეზე მეზობლის ბიჭები გადმოდგნენ:

— დეილა ქეთევან, ზაზა არ არის სახლში?

— დეილა ქეთევანმა არაფერი უპასუხა, დონჯი შემოიყარა და კარმიდამოს ერთხელ კიდევ მოავლო თვალი. მერე ბიჭებს მიუგო:

— მოდი თქვე, ერთი ეს ქათმები გადმომირეკეთ ბოსტნიდან... ფრთხილად, ბარდები არ დამიჯეგოთ!

— ბიჭები თითისწვერებზე შევიდნენ ბოსტანში, ნაბრძანები შეასრულეს, თითო კიტრი ნამალევად გააცურეს უბეში, უკანვე გადმოვიდნენ და მწიფე, საკალოო მსხალთან გაჩერდნენ.

— შექარ, უგუნებოთაა ქვრივი, სჯობია წაეიდეთ!

— ქვრივმა კი მეორე ბრძანება გასცა:

— ადით მსხალზე, ტოტები არ დაამტვრიოთ!

— გახარებულმა ბიჭებმა წაღები ხის ძირში მიჰყარეს და ტოტებს დაეკიდნენ, მაგრამ უმაღვე პანტა-პუნტი ჩამოცვივდნენ.

— დავამთავრე, დავამთავრე! — გავარდა თოფის ხმასავით.

— ვინ დაამთავრა, რა დაამთავრა?!

— დავამთავრე მეთქი, დავამთავრე!

— ხმა საბძლიდან მოდიოდა. ბიჭები საბ-

ძელს მისცვივდნენ და კარებში ზაზას შეეფეთნენ.

— გაწითლებული, თმააშლილი და ზაზა შეცბა.

— რა დაამთავრე, ბიჭო?! თვალები გადმოცვენაზე გაქვს!

— ქვრივმა ცომის ზელას თავი ანება.

— საბძლის კედელზე უზარმაზარი ნახატი იყო გაფენილი, სახურავზე ყავარი აეხადნა ვილაცას, და იქიდან ჩამოსული შუქი ნახატს ათასფერად აკიაფებდა.

— ბიჭებმა თვალი შეაჩვიეს სინათლეს და ერთად წამოიძახეს:

— უჰ, რა კარგია!

— მერე უკან დაიხიეს და მუშტრის თვალით შეხედეს: ვერჩვიანი. მდინარისპირი. სალამო. კოცონი. სამი ბიჭი წრესგარეთ, სამი — წრესშიგნით. ლახტის თამაშია, — უფრო ცეკვას ჰვავს...

— წრესშიგნითა დააკვირდა შექარა; გრუზათმიანი, შევეგრემანი ჭაბუკი, შევარდენით გასაფრენად შემზადებული და ხელგაშლილი, — ეს ხომ ბელადია ახალგაზრდობაში!

— მიმიხვდი, აგრეა! მაგრამ ცოტა კიდევ გაკლია!

— კი მაგრამ ყელსახვევი საიდან ექნებოდა ბელადს ახალგაზრდობაში?! — შენიშნა გოგამა.

— ახლოს ხართ, ეგეც მართალია! — წამოიძახა ზაზამ. მერე მეგობრებს აღარ დააცალა:

— ამ შეფხულს, გორში, პიონერთა რესპუბლიკურ შეკრებაზე, ექვსმა გორელმა პიონერმა შეასრულა ეს ცეკვა. შეხედეთ, ქვეშ „ლახტური“ აწერია სურათს! რა შესანიშნავად იცეკვეს! ბელადის ბავშვობა განასახიერეს ბიჭებმა, ძია გრიგოლ გლურჯიძეც იქ იყო — ბელადის ბავშვობის მეგობარი; ჩემს გვერდით იჯდა, ისე გაეხარდა, რომ კინალამ გადამოცნა...

— უცებ საბძელში ვილაცამ შემოალაჯა.

— ბიჭები შეკრთნენ და განზე გადგნენ.

— ქვრივს პირველად თვალი ეცა კედელზე გაკრული უზარმაზარი ტილო — იმდენად უზარმაზარი, რომ მისგან ზაზას ხალათს ორი პირსახოციც გადაეჭრებოდა; მერე სახალათეს და პირსახოცებს ფერებმა აჯობეს, და დეილა ქეთევანმა ნათლად დაინახა ის, რასაც ზაზა თვენახევრის განმავლობაში ხატავდა.

— სახეზე წყრომა მოიცილა. ჯერ ახლოს მივიდა სურათთან, მერე უკან დაიხია (არც ყავარახდილი სახურავი გამოჰპარვია დეილა ქეთევანს), ბოლოს უნებურად გაეღიმა და წასცდა:

— კარგია!

* * *

ნუნუ და ზაზა კარგი მეგობრები არიან, ძლიერ კარგი მეგობრები.

თექვსმეტი წლისანი არიან ორივენი — სწორედ ამ ზაფხულზე შესრულდნენ თექვსმეტისანი.

კარგი ბიჭია ზაზა!

კარგი გოგონაა ნუნუ!

გაკვეთილებს ერთად ამზადებენ და კარ-ზე-ყანასაც ერთად თოხნიან.

შარშან გაზაფხულზე (წიგნებში ამოკეთ-ხათ ალბათ) თითები გაისერეს ჯაყვით და დაძმად გაიფიცნენ. ერთმანეთზე ფიქრობენ. ზაზას სიხარული ნუნუს სიხარულია, ნუნუმ გაიკაწრა წვივი ძეძვებში — ზაზას ეტყინა გული, ზაზამ ვერ უპასუხა გაკვეთილი — ნუნუს აელანდა ფერმკრთალი ღაწვები...

ჰო და, ასე, ამიტომ ქვრივმა საბძლოს კარს ურდული გაუგდო და ბიჭს ფეხი აუ-ბაკუნა:

— წადი ახლავ, ავადმყოფს ეს საადრო გულაბი მიართვი და ბოდიში მოიხადე, რომ აქამდე ვერ ინახულე!

— ნეტა რა დავაშავე?! საქმეს ვაკეთებდი, განა ნუნუს კი არ გაეხარებდა?! — ჩაიბუტ-ბუტა ზაზამ და შარავზაზე გამოვიდა.

მოსახვევში ნოდარს შეეფეთა. დაუშვილმა წარბი შეჰკრა, გზა აუქცია და გაოგნებული ბიჭი უსალმოდ დასტოვა.

ზაზა მობრუნდა და თვალი გააყოლა...

არა, რას ერჩის ნოდარი ზაზას? ნეტა რა დაუშავა ზაზამ ისეთი?! მადლობის მაგიე-რია?! არ დაიხსომა დაუშვილმა სიკეთე... განა ამ ზაფხულს არ იყო, სიცოცხლე რომ აჩუქა ზაზამ?!

საერთო კალოზე შემოიარა უმოლოთელმა. სამიოდე თვის გადმოსული იყო ზვარეთის სკოლაში. ამბობდნენ სკოლიდან გარცხესო უქმერს, მიტომ დაიწყოთ სწავლა დედუ-ლეთს. ჰო და, საერთო კალოზე შემოიარა. ახირდა, გინდა თუ არა მე წავიყვანო და-სარწყულეზლად „შავ მერცხალს“. ცხენი ზაზას მეტს არავის იკარებდა. ურჩია ზაზამ, ემუდარა, — არ დაიშალა ნოდარმა.

მდინარიდან რომ მოაბრუნა, დაოთხდა „შავი მერცხალი“ — პირდაპირ კალოსკენ

აილო გეზი. მხედარი გაჯგიმული იჯდა ცხენ-ზე. ზაზა რომ არა, ჭიშკრის ზედა სვეტი სო-კოსავით წააცლიდა ახლადგაპარსულ თავს. კალოზე ქალებმა და გოგონებმა კივილი ას-ტეხეს. კაცები უძახდნენ: დაწეო ცხენზე, ბიჭო! — ის კი მაინც თავადერილი იჯდა. მამინ... გამოვარდა ზაზა, ჭიშკარში ჩადგა და შეუტია გაგიჟებულ ცხენს...

ცხენი შეტოტდა და შედგა. მართალია, ნოდარი გადმოვარდა და ოდნავ მკლავიც იღრძო... მერე რა, თუ გოგონები უყურებდ-ნენ ყველაფერს და ნუნუც იქ იყო! მერე რა, თუ ზაზა თვითონ შეჯდა „შავ მერც-ხალზე“, დაარწყულა და ნაბიჯით შემოიყვა-ნა კალოზე!...

განა რამე დაუშავებია ზაზას ნოდარისათ-ვის!

ჰო, არ უყვარს ნოდარს ზაზა. სალამსაც არ კადრულობს. ნურც ეყვარება, ოღონდ ფრთხილად იყოს დაუშვილი, ფრთხილად! ზაზა კეთილია, თავმდაბალი, ჭიასაც არ და-ბიჯებს ფეხს, მაგრამ არც ვინმეს დააჩაგვ-რინებს თავს!

სხვაც ახსოვს ზაზას ნოდარისაგან; აი, თუნდაც გორში წასვლისას რომ ატეხა ჩხუბი: გინდათ თუ არა მეც უნდა გამგზავ-ნოთო შეკრებაზე — რითი მჯობიათ ზაზა... რომელი ერთი ჩამოსთვალოს ზაზამ, მაგრამ ახლა მაგის ღრო არ არის...

ზაზა ჭიშკართან შედგა, საფეთქლები მოისრისა, თვლები მოიფშვნიტა, ყველა ფიქრი თავიდან მოიშორა და ღირზე გა-დააბიჯა.

* * *

პატარა ოთახი, სარკმელი და აივანი კა-ხამბლების მხარეს. ოთახში საწერი მაგიდა, კედელზე ზაზას შარშანდელი ნატურმოპორტი — „იელის შტო“ და დუმილი არგვლივ...

— მოხვედი, ზაზა! — შეკრთა საწერ მა-გიდასთან მჯდომარე ნუნუ, ყურის ბიბი-ლოები შეუწითლდა და წამოდგა.

— მოვედი ნუნუკა, მოვედი. — წაილულ-ლულა ზაზამ, გრძელ სკამზე ჩამოჯდა და დამუწჯდა.

ოთახში ელისაბედი შემოვიდა, ლანგარით ხილი შემოიტანა, ზაზას აკოცა და ისევ გაუჩინარდა.

ზაზამ ჭირისოფლი მოიწმინდა, ნუნუსკენ მობრუნდა, შეშინებული თვალებით ჩახედა დიდრონ, ცისფერ თვალებში და დამნაშავესავით ჩაიხურჩულა:

— ამდგარხარ ნუნუკა! როგორა ხარ?!

— კარგად ზაზული, ძლიერ კარგად! რად მიცქერი აგრე უცნაურად, განა მე მეტყოდა რამე? — საჩვენებელი თითი ტუჩზე მიიღო და გაშტერდა, მერე კარგადყოფნის დასამტკიცებლად ლანგარს ხელი დაავლო, მკვირცხლად გავიდა აივანზე, ხილს წყალი გადაავლო და უმაღვე შემობრუნდა

ზაზას გულს გადაეყარა. ოთახში გაიარგამოიარა, მერე თითქოს რაღაც გაახსენდაო, მკლავში ხელი სტაცა გოგონას და შეანჯღრია:

— აბა გაიცინე, ნუნუ, გაიცინე, ხმამაღლა, შენებურად!..

გოგონამ წარბი შეიკრა, ვერ გაიგო ალბათ ნათქვამი. მერე მეგობრის გულწრფელობაში დარწმუნდა, თხოვნა სასაცილოდ ეჩვენა და გადაიხარხარა. ისე გადაიხარხარა, რომ სარკმლის მინებმა ზარივით გაიწკრიალეს.

— აგრე, ნუნუკა, აგრე! იცინე!

ახლა კიდევ უფრო მოეცა გული ზაზას და კიდევ უფრო დიდი ნაბიჯებით გაალაჯა ოთახში. საუბრის თემა შესცვალა:

— ნუნუკა, მე დავამთავრე!

— რა დაამთავრე, ბიჭო!

— დავამთავრე მეთქი, როგორ ბი! საბძელი გახსოვს?!

— ლახტური! — შესძახა გოგონამ და ტაში შემოჰკრა, მაგრამ უმაღვე რისხვა აესახა პირსახეზე.

— ზაზა, მე ნაწყენი ვარ, შენ ძლიერ დაეჩვიე... აღარაფერს მკითხავ, არც დაწყებას და არც დამთავრებას — ჩუმად მუშაობ... მე შენთან გაბუტული ვარ!

და გაბუტულმა გოგომ ათიოდე წუთით მოიწყინა, მერე რამდენჯერმე წასცდა სიცილი, ხოლო გამომშვიდობებისას ისევ შეიკრა წარბი:

— ზვალვე მომიტანე „ლახტური“, მანამა და კი გაბუტული ვარ!

— მოგიტან, ნუნუკა, უსათუოდ მოგიტან!

სალამოს ბინდი ეშვება იისფრად სერისერ. შარაზე სოფლის ნახარი მობღავის. ზაზა მწყემს ბიჭებს მიესალმა — არ კი იცის ვის...

სამზადის წინ დედას შეეფეთა. არაფერი უკითხავს ქვრივს, ნახშირი გაშალა და როცა ფარანი აანთო, ზაზამ თვალი ჰკიდა კედელზე გრუზათმიან, შავგვრემან ჭაბუკს, ტოლებში ჩამდგარს, მკლავებგამლილს და შევარდენივით ასაფრენად გამზადებულს.

(გაგრძელება იქნება)



0254



შუა ეზოში, მარანის ახლო
დგას გულამაყად ცაცხვი ხნიერი,
მოუსვენარი და მოშრიალე,
ტანმალალი და ჩრდილგანიერი.

შუა ტოტებში, ვით ორბის ბუდე,
ჰკიდია დიდი, წკრიალა ზარი,
მის დაძახილზე მთელი სოფელი
დილა ადრიან გამოდის გარედ...

ხოლო ფუტკარი ნექტარისათვის,
როცა ფრთებს გაშლის მსგავსად ქარისა,
მინდორს სტოვებს და მასთან მიფრინავს,
უხვად ამკრეფი ტკბილი ღალისა.
ყველა ხეს ჩვენში ის მირჩევნია
თავის უბადლო გაშლილი ჩრდილით,
მშობლიური და მუდამ ჩვენია,
და როს ბაეშვივით იღვიძებს დილით,—
დამითრობელს და ტკბილ სურნელებას
უხვად შეაფრქვევს ზაფხულის დილას,
მოფრინდებიან აქ ფრინველები
და მოყვებიან გალობას ტკბილად.
ის კი ყურს უგდებს ამ ტკბილ ჟრიამულს
და უნდა ასე დიდხანს სტკებოდეს,
ეგებებოდეს ყოველ განთიადს
და არასოდეს არა კვდებოდეს.
მაგრამ მარანში, როცა შენიშნავს
იგი საწნახელს პირამდე სავსეს,
მისივე გვარის ხისგან გამოთლილს,
თუ ვით ეღვრება ბადაგი თავზე,—
თავს ამაყად გრძნობს, თითქოს ძარღვებში
მაკრის ღვართქაფი სდის და თქრიალებს,
და ბებერ ტოტებს, ხავსმოკიდებულს,
ახალგაზრდულად შეაშრიალებს!

იონა ჰაქალი





ბ. გ. ბელინსკი

ასი წლის წინათ გარდაიცვალა დიდი რუსი პატრიოტი, რევოლუციონერი დემოკრატი, გენიალური კრიტიკოსი ბესარიონ გრიგოლისძე ბელინსკი.

ბელინსკი დაიბადა 1811 წელს ქალაქ სვეაბორგში, ექიმის ოჯახში. სწავლობდა პენზის გიმნაზიაში, შემდეგ მოსკოვის უნივერსიტეტში.

ბელინსკი დიდად ნიჭიერი და წიგნების კითხვის მოყვარული მოსწავლე იყო. იგი ბავშვობიდანვე დაეწაფა მშობლიური ლიტერატურის შესწავლას და ცდილობდა თვითგანვითარებით გაეფართოებია და გაეღრმავებია თავისი ცოდნა.

ახალგაზრდა ბელინსკის ცოდნისა და თვითგანვითარების შესახებ საინტერესო ცნობებს გადმოგვცემს რუსი მწერალი ლაუჩენიკოვი, რომელიც იმ დროს პენზის გუბერნიის სასწავლებელთა დირექტორი იყო.

„გამოცდის დროს, — წერს ლაუჩენიკოვი, — ჩემს წინ დადგა თორმეტი წლის ყმაწვილი, რომლის გარეგნობამ პირველი შეხედვისთანავე მიიქცია ჩემი ყურადღება. მას ლამაზი შუბლი ჰქონდა და თვალებიდან ნაადრევად მომწიფებული გონების შუქი უკრთოდა. სახის გამომეტყველებით იგი თავის ასაკზე მეტი სჩანდა და ძალზე სერიოზულად გამოიყურებოდა. ბავშვი ყველა შეკი-

თხვაზე სწრაფად, ადვილად და დარწმუნებით მიპასუხებდა საკუთარი სიტყვებით. მის პასუხში მკლავნდებოდა მეტი ცოდნა, ვიდრე სახელმძღვანელოებში იყო მოცემული. ეტყობოდა, რომ იგი სახელმძღვანელოებს გარდა სხვა წიგნებსაც კითხულობდა. ჩემ მიერ ათასგვარად დასმულ შეკითხვებზე მან სწორი პასუხი გამცა და ამ

ორთა ბრძოლიდან გამარჯვებული გამოვიდა... პატარა ბელინსკის შუბლზე ვეამბორე და მოვიტხოვე წიგნი, რომლის თავფურცელზე დავაწერე: „ბესარიონ ბელინსკის ბრწყინვალე წარმატებისათვის სწავლაში“.

ბავშვმა დინჯად ჩამომართვა წიგნი. ეტყობოდა, იგი ამ საჩუქარს საესებით დაძახებულად სთვლიდა“.

ბელინსკის ბავშვობიდანვე ახასიათებდა საკუთარი ღირსების გრძნობა და დამოუკიდებელი აზროვნების უნარი.

უნივერსიტეტში მოწინავე წევრად ითვლებოდა სტუდენტთა იმ წრეებისა, რომლებშიაც გაერთიანებული იყო თავისუფლებისმოყვარული აზრებით გატაცებული ახალგაზრდობა.

ბელინსკი მტერი იყო მაშინდელ რუსეთში არსებული თვითმპყრობელურ-ბატონყმური წყობილებისა.

მშრომელთა მჩაგვრელების წინააღმდეგ მიმართული აზრი და გრძნობები ბელინსკიმ პირველად გამოხატა სტუდენტობისას დაწერილ დრამაში „დიმიტრი კალინინი“, რის გამო იგი უნივერსიტეტიდან გარიცხეს.

ამ დევნამ ბელინსკი არა თუ არ გასტეხა, არამედ კიდევ უფრო გააკაჟა. მეფის მთავრობასთან და მებატონეებთან მებრძოლს, მას სწამდა ისეთი უამის მოახლოვება, როდესაც „არ იქნებოიან არც მდიდრები და არც ღარიბები, არც მეფეები და არც მისი ქვეშევდომნი, არამედ ყველანი იქნებიან ძმები, ადამიანები“.

ბელინსკიმ კარგად იცოდა, რომ ეს დრო თავისთავად არ მოვიდოდა. ამიტომ ქადაგებდა იგი სოციალისტურ აზრებსა და რევოლუციური მოქმედების საჭიროებას.

ბატონყმობაზე დამყარებულს, ბნელსა და ხალხის მჩაგვრელ რეჟიმს ბელინსკიმ გამანადგურებლად შეუტია თავის ცნობილ ნაშრომში „წერილი გოგოლს“.

ბელინსკი ებრძოდა ბატონყმობას და ადამიანის მიერ ადამიანის ჩაგვრის ყოველგვარ სხვა ფორმას. იგი დაუღალავად აკრიტიკებდა ევროპის ბურჟუაზიულ წყობილებას.

ძველი წყობილების წინააღმდეგ წარმოებული ბრძოლით ბელინსკი დიდ სიყვარულს გამოხატავდა თავისი ხალხისა და სამშობლოსადმი, მომავალი, თავისუფალი რუსეთი-

სადმი, რომელიც მოწოდებულია, იმისათვის, რომ „მსოფლიოს უთხრას თავისი სიტყვა, თავისი აზრი“.

თავისი ხანმოკლე სიცოცხლის მანძილზე ბელინსკიმ ათასზე მეტი მარტოოდენ ლიტერატურულ-კრიტიკული წერილი გამოაქვეყნა. ამ წერილებში იგი ხელოვნებისაგან, მწერლობისაგან სალხურობას და ცხოვრების სინამდვილის ასახვას მოითხოვს.

ბელინსკიმ დაუფასებელი ღვაწლი დასდო რუსული ლიტერატურის უდიდეს წარმომადგენელთა შემოქმედების შესწავლის და გაშუქების საქმეს. მან პირველმა ნათელაყო დიდი რუსი მწერლების ლომონოსოვის, კარამზინის, ჟუკოვსკის, ლერმონტოვის, პუშკინის, გოგოლის, კრილოვისა და კოლცოვის მნიშვნელობა.

ბელინსკიმ პირველმა მიუხედავად ნეკრასოვის, დოსტოევსკის, ტურგენევის, გონჩაროვის ბრწყინვალე სამწერლო ნიჭზე.

ბელინსკის სთვლიდნენ თავის მასწავლებლად დიდი რუსი რევოლუციონერი-დემოკრატები ჩერნიშევსკი და დობროლიუბოვი.

ლიტერატურისა და ხელოვნების საკითხებში ბელინსკის აზრსა და შეხედულებას იზიარებდნენ გასული საუკუნის 60-იანი წლების დიდი ქართველი მწერლები.

ბელინსკი თავისი ძაღლიანი კალმით შეეხო საბავშვო მწერლობისა და წიგნის საკითხებსაც.

საბავშვო მწერლობას ბელინსკი მეტად საპატიო და რთულ საქმედ სთვლიდა. იგი ამბობდა, რომ „საბავშვო მწერლები კი არ იქმნებიან, არამედ იბადებიან“-ო.

კარგად შედგენილი საბავშვო წიგნი და პედაგოგიურად სწორად წარმოებული კითხვა მას მიაჩნდა მოზარდის გონებრივი, ზნეობრივი და ესთეტიური აღზრდის ერთ მძლავრ საშუალებად. მაგრამ, ამასთანავე, ბელინსკი წინააღმდეგი იყო წიგნების უსისტემოდ და გაკვეთილების მოსამზადებლად გამოყოფილი დროის ხარჯზე კითხვისა.

ბელინსკის აზრით საბავშვო წიგნის პირველი დანიშნულებაა, რომ მოზარდში დაწეროს „უსაზღვრო პატივისცემა და სიყვარული ადამიანისადმი“.

„თითოეული საბავშვო წიგნი,—ამბობდა იგი,—მიზნად უნდა ისახავდეს ეგოისტური გრძნობების დაძლევისა“. მაგრამ საბავშვო

წარმოები ამას უნდა აღწევდეს არა მშრალი ქადაგების გზით, არამედ გასაგებად და მოცემული და ადამიანური გრძნობებით ბარი მხატვრული სახეების საშუალებით.

ბელინსკი აუცილებლად სთვლიდა ბავშვთათვის ისეთი შინაარსის ისტორიული მოთხრობების გაცნობას, რომლებიც ზელოს შეუწყობდნენ მათში პატრიოტული გრძნობის აღზრდასა და გაძლიერებას.

ბავშვთა პატრიოტული სულისკვეთებით აღზრდის ძლიერ საშუალებად მას მიაჩნდა ხალხური შემოქმედების საუკეთესო ნიმუშების, მოთხრობების, ზღაპრებისა და სიმღერების შესწავლა.

ამასთანავე ბელინსკის არ ავიწყებოდა, რომ ბავშვები უნდა გასცნობოდნენ საერთო საკაცობრიო მნიშვნელობის მოვლენებს. მაგრამ ეს, ბელინსკის აზრით, „მშობლიური ნაციონალური მოვლენების“ საშუალებით უნდა ხდებოდეს. ბელინსკი მოითხოვდა, რომ ყოველი ბავშვი ჯერ გასცნობოდა თავისი ქვეყნის ამბებს, დიდ სახელმწიფო და საზოგადოებრივ მოღვაწეებს, ხოლო შემდეგ უცხოეთისას. იგი ამბობდა: „ვინც თავის სამშობლოს არ ეკუთვნის, იგი არც კაცობრობას ეკუთვნის“.

ყოველი საბავშვო წიგნი, განმარტავდა ბელინსკი, დაწერილი უნდა იყოს ისე, რომ იგი სიამოვნებით და გატაცებით წაიკითხონ მოზარდილებმაც.

ბელინსკის გაგებით, ძირითადი ამოცანა, რომელსაც ბავშვთა აღზრდა და საბავშვო წიგნი უნდა ემსახურებოდეს, არის ყველა სახის საზოგადოებრივი ბოროტების დაძლევისა და საზოგადოებრივი სიმაართის გამარჯვებისათვის ხელის შეწყობა. ადამიანის კაცური ღირსება, ამბობდა იგი, იმაშია, რომ პატიოსნად და უანგაროდ ემსახურო შენი ქვეყნის, საზოგადოების წინსვლისა და თავისუფლების საქმეს.

სწორედ ამიტომ იყო, რომ საბჭოთა კავშირის ხალხთა დიდმა ბელადმა ამხანაგმა **სტალინმა** თავის ისტორიულ მოხსენებაში 1941 წლის 6 ნოემბერს, რუსი ხალხის სახელოვან შვილთა შორის საპატიო ადგილი მიაკუთვნა ბელინსკის და ამით ხაზი გაუსვა მის უდიდეს როლს ჩვენი ქვეყნის მშრომელთა იდეურ შეიარაღებაში.

ვლადიმერ ზამბახიძე





ზურას ღურჯა

საზა ბერულება

ნახ. გ. გულისაშვილისა

I

თერთმეტი წლის იყო ზურა,
თერთმეტი წლის ბიჭი მკვირცხლი,
როცა ერთმა მეზობელმა
მას აჩუქა ფიცხი კვიცი.
სხვას ახლოსაც არ უშვებდა,
თავად წრთვნიდა, თავად ზრდიდა,
მოსწონდა და პატრონობდა
ალერსით და თავაზითა.

II

დრო გავიდა... ჩვენი ზურა
გახდა ბიჭი ტანაყრილი,
წვერ-ულვაშიც აუკოკრდა,
როს გაისმა დამახილი:
—ჰეი, შვილნო, ხმლით და ცეცხლით
შევხვდეთ ღუშმანს, კარზე მომდგარს,—
გუგუნებდა წყნარი დონი,
გუგუნებდა ასე ვოლგაც.
სანამ ომში წავიდოდა
ძმებთან ერთად, ზურა ჩვენი,
ვით ერთგული მეგობარი
ინახულა თავის ცხენი.
ღურჯა ბალახს სძოვდა მოლზე
უდარდელი ფრუტუნითა,
პატრონი რომ დაინახა,
გაეხარდა, უკუმიდგა.
ეუბნება ცხენს ჰაბუკი—
მეგობარი ძველისძველი:

—ჩემო ფიცხო, შევარდენო,
გამიზრდინხარ ჩემის ხელით,
ალბათ, გახსოვს, ვით არ გახსოვს,
ვისახელეთ თავი დიდად,
მარულაშიც, თარჩიაშიც,
რომ დავქროდით ქარივითა.
ახლა უნდა მტერს შევება,
ბავშვობის დრო გამიფრინდა!
ეს ერთხელაც, ჩემო რაშო,
მსურს დღეს შენთან ვივიქმეაჟო!
და უბელო ცხენს მოახტა
იგი მარდი, მოკისკასე,
შესძახა და გრიგალივით
გააფრინა სოფლის გზაზე.

III

ორი წელი მიიწურა,
ზურა ისევ ომში არი,
წინ მიიწევს ძმებთან ერთად—
ხელში წითელდროშაიანი.
ხელში წითელდროშაიანი
რისხვით ებრძვის მუხანათებს.
ვისაც მკერდში გული უძგერს,
მამულს როგორ უღალატებს!
ზურას ზრდიდა საქართველო
და ზღაპრული იაენანა,
ტკბილი დედის ოქროსიტყვას
გაატანდა ნიავს ვანა!

არა, ვეფხურ შემართებით
ბევრჯერ თავი ისახელა,
და ორდენი ზურას მკერდზე
აციმციმდა მზის ნათელად.

—მისამართი მომეც შენი,
როცა ომი დამთავრდება,
და მშვიდობა დამყარდება,
გაგიგზავნო სახლში ცხენი!

V

ერთ დღეს, * * *
როცა წამით მიწყდა
ბრძოლის ცეცხლი და გრიგალი,
მეომრებმა დაინახეს
ცხენზე მჯდარი გენერალი.
მოფრინავდა რაში სწრაფად
და ურხევდა ქარი ფაფარს.
გენერალმა მებრძოლებთან
შეაჩერა ცხენი სწრაფად.
ვისი ცხენი?!

ის დაბრუნდა გამარჯვებით
დამარცხებულ ბერლინიდან,
მაშინ, როცა ჩვენს მამულში
კალთასავსე რთველი იდგა!
მწიფე ოპ ისთვის ჟამი იდგა,
კირნახულის ეშხით მთვრალი...

ბერლინიდან ჩამოვიდა
ზურა-ბიჭი ნაომარი.
თემშარაზე დახვდა ყველა:
დედა, მამა, კარგი ბები,
დიდები და პატარები—
მეზობლები, მეგობრები.
გადაჰკოცნეს უთვალავჯერ,
გულს ჩაიკრეს მღელვარებით,
მერე ერთად გაეშურნენ
სახლისაკენ შვება-ლხენით.
და როდესაც ალღებს შორის
დაიხატა სახლი მისი,
ჯარისკაცმა შორიდანვე
დაინახა ლურჯა ფიცხი.

—ჩემო ფიცხო!—

დაიძახა ზურამ ლელვით.
შესჭიხვინა ცხენმაც უმალ,
მეგობარი, ჰე, რომ იცნო...
ჩურჩულებდა ვაჟი დიდხანს:
—ჩემო ფიცხო, ჩემო ფიცხო!

დამშვიდებით სძოვდა ბალახს
და ხან სივრცეს გაჰყურებდა...

IV

და უამბო ზურამ უფროსს,
ვით სამშობლო ქვეყნის მცველმა:
—ოი, დიდად გამახარა,
გენერალო, მე ამ ცხენმა.
მე გავზარდე... შინ დავტოვე,
აი, შემდეგ როგორ შევხვდით;
ისიც თურმე აქ დაჰქროლავს,
გამეხარდა გულით, გეტყვიო.
გენერალმა გაიღიმა,
გაახარა ამით ვაჟი:
—ყოჩაღ, ზურა, ჯარისკაცო,
გაგიზრდია კარგი რაში!
უბის წიგნი ამოიღო:

—შენზე გვიან წაფყვანეს,
შენ დაგასწრო დაბრუნება!—
ეუბნება მამა ზურას
და კვლავ დასძენს გულისთრთოლვით:
—გულთბილ ბარათს ხელს იწერდა
გენერალი სურიკოვი!





მოთხოვნა ყელსახვევზე

გაზაფხულზე სტუმრად ვიყავი მეგობართან ქუთაისში. დიდი ხანია არ გვენახა ერთმანეთი და ყარგა ხანს ვისაუბრეთ. ის იყო წასვლას ვაპირებდი, რომ კარი გაიღო და ოთახში შემოვიდა ჩემი მეგობრის უმცროსი ძმა — 12 წლის მალხაზი. იგი სკოლიდან დაბრუნდა. ბიჭუნა დაფიქრებული იყო და აღელვებდაც ეტყობოდა. ჩემმა მეგობარმა ყურადღება მიაქცია ძმას და ჰკითხა, თუ რა იყო მისი ფიქრისა და აღელვების მიზეზი.

მალხაზმა მე შემომხედა. შევატყვე, ჩემი ერიდებოდა. მაგრამ მეც ვთხოვე მოურიდებლად ეთქვა ყოველივე და გასათამაშებლად მხარზე ხელი დავკარი.

ბიჭუნაც გათამამდა.

აი რა მოგვითხრო მალხაზმა

— დღეს მეზობელ კლასში პიონერული შეკრება დაიწყო. ამ დროს ჩვენთან შემოიჭრა პიონერი ანდრო ლლონტი და გვითხრა:

— ბავშვებო, გეთყვით, მომეცით სამი ყელსახვევი. მე და ჩემი ორი მეგობარი დღეს უყელსახვეოდ მოვედით სკოლაში.

ბავშვები შეყოყმანდნენ. არ უნდოდათ ყელსახვევების მოხსნა, მაგრამ ამ დროს შალვა იოსელიანმა და პეტრე ნოზაძემ მოიხსნეს ყელსახვევი და გადასცეს ანდროს.

— პიონერებო, თუ არ ხართ ძუნწი და არ გინდათ ამხანაგების შერცხვენა, ერთი ყელსახვევი კიდევ მიწა და მათხოვეთ. — და იძახა ანდრომ და მე შემომხედა, რომ შეატყო, მე ყელსახვევის მოხსნას არ ვაპირებდი, მოიღეშა.

უხერხულობა ვიგრძენი და ამხანაგებს გადავხედე. მათ არაფერი უთქვამთ ჩემთვის, მაგრამ არ ვიცი რა გაიფიქრეს გულში.

უნებლიედ დავეფიქრდი. ამ დროს ერთმა ჩვენმა ამხანაგმა ანდროს ყელსახვევი მიაწოდა და ანდროც გაიქცა.

გაკვეთილების შემდეგ მედა პეტრე ნოზაძე ერთად წამოვედით შინისაკენ. მე ცვლავ დაფიქრებული ვიყავი. ჩემს გულში ვამბობდი: ცუდად მოვიქეცი თუ არა, რომ ანდროს ყელსახვევი არ ვათხოვე?

ჩემი ფიქრი პეტრესაც გავუზიარე.

— შენი ნება იყო ათხოვებდი თუ არა ანდროს ყელსახვევს, — მითხრა პეტრემ, — მაგრამ კარგად ვერ მოიქეცი; ამხანაგებისათვის უნდა გეთანაგრძნო.

პეტრეს ნათქვამმა კიდევ უფრო დამაფიქრა... მაინც დარწმუნებული ვიყავი, რომ

ცუდად არ მოქცეულვარ.

— მე ცუდი ხასიათის არ ვარ, — ვუთხარი მე პეტრეს, — რითაც შემიძლია, ყოველთვის ამხანაგის დამხმარე და თანამგრძობელი ვარ, მაგრამ ანდროს მაინც არ მივეცი ყელსახვევი. მე მყავს მამა — კომუნისტი. მას აქვს პარტიული ბილეთი. მამა ლაპარაკობს, რომ პარტიული ბილეთი მისთვის ყველაფერზე ძვირფასია ცხოვრებაში. მე ვარ პიონერი. მე მაქვს პიონერული ყელსახვევი და იგი ასევე ძვირფასია ჩემთვის, რაც მე გამაჩნია.

პეტრე მაინც თავისას განაგრძობდა. ალბათ დავა მოგვივდოდა, მაგრამ პეტრემ თავის ეზოს მიაღწია და დამშორდა.

მალხაზი შეჩერდა. ჯერ ძმას შეხედა, მერე მე. ეტყობოდა, ძლიერ აინტერესებდა, თუ რას ვეტყვოდით ჩვენ.

ყელსახვევს უნდა გაუფრთხილდე!

ის იყო ჩემი აზრი მინდოდა გამეზიარებინა მალხაზისათვის, რომ ჩემმა მეგობარმა დამასწრო და სახეგაბარწყინებულმა მიმართა თავის ძმას:

— მალხაზ ძმაო, ბევრჯერ მომწონებია შენი საქციელი. ჩემი ძმა ხარ და არ უნდა გაქებდე, მაგრამ არ შემიძლია ჩემი სიხარული დავფარო. დიახ, პიონერისათვის ძვირფასია ყელსახვევი.

პიონერმა ყელსახვევი დაიმსახურა თავისი წარმატებული სწავლით, საზოგადოებრივი მუშაობით, სამშობლოსადმი სიყვარულით. მაშასადამე, ყელსახვევი არის სიმბოლო პიონერის ღირსებისა და პატიოსნების, სიმბოლო იმისა, რომ მოსწავლე ღირსეულად იმყოფება ნორჩ ლენინელთა რიგებში — საბჭოთა კავშირის ამ მოწინავე ბავშვებში.

პიონერული ყელსახვევი მცირე ნაწილია დიდი წითელი დროშის. შენ, მალხაზ, მედროშე ხარ შენი პატარა დროშის — ყელსახვევის. ამის შემდეგ როგორ არ უნდა გაუფრთხილდე პიონერულ ყელსახვევს?!

კარგად მოქცეულხარ, რომ ყელსახვევი არ მივიცია ანდროსათვის. შენი ყელსახვევი მისცე სხვას — ეს ნიშნავს, შენ არ უფრთხილდები ყელსახვევს. წიგნი ამხანაგს უნდა ათხოვო, — ეს შენი ღირსებაა, მაგრამ ყელსახვევი რომ მისცე, ეს ისევე დაუშვებელია, როგორც კომუნისტმა გაანათხოვროს თავისი პარტიული ბილეთი.

მალხაზს ძმის ლაპარაკმა სახეზე თანდათან უშუქი მოჰფინა.

ზორის ბითანელი



ყაბიბი
მკოსანი

1845 წლის ივნისში დიდი ვაივაგლახის შემდეგ ნიკოლოზ (ტატო) ბარათაშვილი გამწესებულ იქნა თელავის მაზრის უფროსის თანამშრომელად. თელავს გამგზავრების წინა დღით ბარათაშვილმა ერთხელ კიდევ მოინახულა თბილისის ის ადგილები, სადაც გაატარა თავისი ბავშვობა და ყრომობა.
ქვემოთ მოყვანილ ნაწყვეტში აღწერილია ბარათაშვილის ცხოვრების ეს ეპიზოდი.

ლალკ ავალიანი

ლაპარაკით * გართული თავგისფერსერთუკიანები დიღმის კარით ერევენის მოედანზე გავიდნენ. ტატოც ძალაუნებურად, შორიახლო მისდევდა მათ, უსმენდა და გუნებაში ეცინებოდა ვარლამოვზე, უცხო მოხელის ივან ხარიტონიჩის გულის მოსაგებად ენას რომ ჯაფდას აყენებდა.

— აქ რა ხმაურია?! — გოაცებით იკითხა ივან ხარიტონიჩმა, როცა მათ ერევენის მოედანზე** პატარა, ჭუჭყიან დუქანს ჩაუარეს!...

- ეგ, ყავახანაა, ივან ხარიტონიჩ!...
- არ ვინახულოთ?
- ღმერთმა დაგვიფაროს...
- რაო?...

— ღმერთმა დაგვიფაროს-მეთქი!.. რაც ქალაქში უთვისტომო და ოხერია, სულ მანდ იყრის თავს!... მკვლელებსაც შეხედებით! ჩვეულებრივ კი ეგ ბინძური ადგილი სამსახურიდან დათხოვნილ გადამწერთა, გადამღვარ იუნკერთა, ფუნთუშების დამტარებელთა, უახნოების მსახურთა, ცუდლოტ მოსწავლეთა და ყომარის აზარტულ მოთამაშეთა თავშესაფარია!

ივან ხარიტონიჩი ყავახანაზე უფრო მეტად გააოცა სემინარის*** გასწვრივ, დაჭაობებულ

* ნაწყვეტი ამავე სახელწოდების მოთხრობიდან. ყარები — უთვისტომოს ნიშნავს.

** ახლანდელი ბერიას სახ. მოედანი.

*** ახლანდელ სასტუმრო „პალასის“ შენობაში მოთავსებული იყო სასულიერო სემინარია.

მოედნის ხილვამ... ჭაობის ნაპირას გაწოლილი ვეება ღორი თავის უსახლკრო კმაყოფილებას ნებიერი ღრუტუნით გამოჰხატავდა.

— ეგ ჩვენი ქალაქის წარუხოცელი ლაქაა...

— ღორი? თუ ჭაობი...

— ღორზედ არ მოგახსენებთ... ღორი ჩვენი ქალაქის სრულუფლებიანი მცხოვრებია! ორივე თავგისფერსერთუკიანმა ხმაშეწყობით გადაიხარხარა.

— მე ჭაობზე მოგახსენებთ... არ იქნა მაგის ამოშრობა... წლიდან-წლამდე ასე, თითქო ღორების სანებივროდ არის დატოვებული. მამაჩემმა ერთი სასაცილო შემთხვევაც მიაშობო ამ ჭაობის გამო. 1837 წელს, ხელმწიფე-იმპერატორი ნიკოლოზ I ტფილისს რომ ესტუმრა, თავადაზნაურობას მისი უდიდებულესობის პატივსაცემად ბალი გაუმართავს... იმ დღეს, რაღაც ეშმაკად წვიმა მოსულა და მთელი ერევენის მოედანიც, რასაკვირველია, კარგად აუტალახებია... ეს ჭაობი ხომ ერთი-ორად გაზრდილა... ბალზედ მიმავალთ, ვისაც ეტლი უმოვინა, მშრალად მიუღწევია სემინარიის სადარბაზო მისასვლელამდე, ვისაც არა, ფეხით გაუტოპია ეს ამოღენა ტლაპო და... წარმოიდგინე რარივ დამშვენებული გამოცხადდებოდა ბალზე!

ვარლამოვს არც ის გამოორჩა, აქ, ერევენის მოედანზე კვირაობით ბაზრობაც რომ იმართება... სახელდახელოდ ფარდულებს სდგამენ და... ჰყიდიან ძველ ტანსაცმელს, ძველ ავეჯს, ჭურჭელს — ვერცხლისა, ფაიფურისა და სპილენძისას. ჰყიდიან ხილსა და

ბოსტნეულს... ბაზრის შორიახლო, მაღალ ბოძებზე გაჭიმულ თოკზე სპარსელი მუსიკითები თამაშობენ, ქვემოთ კი მათ ბაძავენ სასაცილოდ მოკაზმული ტაკიმასხარები. ვიღაც აბელი, ხელობით დურგალი, ოთხი არშინის სიმალლე ორჩოფეხებით დადის და მთელი ბაზარი პირდაღებულნი შესცქერის ამ სანახაობას.

როცა ვარლამოვი და ივან ხარიტონიჩი სემინარიის წინ ჭაობის მხერით სტკებოდნენ, ტატო უკვე მეფისნაცვლის სასახლის წინ მიაბიჯებდა და გუნებაში ღმერთს მადლობას სწირავდა, თავისფერსერთუქიანებთან შეხვედრას რომ გადაურჩა.

— მე ვიკითხო, თორემ იმ თარაქამებს რა უჭირთ... ჩემი ყმაწვილ-კაცობა ასე უგზოუკვლო ხეტიალში და ბედის ძიებაში უნდა გავატარო... ვიპოვნი რასმე სახეიროს თუ არა, ისიც ღმერთმა უწყის!.. რა მომცა „სუდა ი რასპრავასა“ და ახალ პალატაში ცხრა წელიწადს სამსახურმა?.. რა მინდოდა ნახიჩევანს... რას ვპოვებ თელავს?!

ტატომ ჯიბიდან ამოიღო დაკეცილი ქაღალდი, ბრაზით ჩასჭიდა თითები, დაკუწა და ქუჩის მტვერში მიმოაბნია. დილით დაწერილ ძია გრიგოლთან* გასაგზავნ ბარათზე იყარა ჯავრი. სწორედ ახლა, თელავს გამგზავრების წინა დღით ერთხელ კიდევ დარწმუნდა, რომ ზოგჯერ თურმე ახლობელ, საყვარელ ნათესავის იმედიც არ უნდა იქონიო. განა მარტო გრიგოლს ეხებოდა მისი იდუმალი საყვედური!... სხვებმაც, რამდენმა წარუყვეთეს სასიკეთა.

ამ ცხოვრების უკუღმართობას ვერ ურიგებოდა... ეტლში უდარდელად განრთხმულ, მლიქვნელობით განდიდებულ, დამცინავად მომღიძარ მოხელეთა დანახვაზე გული უკვდებოდა და მრავალგზის გაფიქრებულს, კვლავ თავის გუნებაში იმეორებდა — „სხვათა ბედნიერებათა სოფლისათა უყურე გულგრილად, ამაყად და გრწამდეს, რომ იგინი მეურჩენენონ არიან!...“

რაც ვნახე და ვიგემე, რასაც ვხედავ, თუ ყველაფერი ცხადია და მართალი, მაშინ ეს ქვეყანა ცრუთა, ორპირთა და მლიქვნელთა თავისუფლად სათარეშო ასპარეზი ყოფილა...

გულჩათხრობილ ტატოს უეცრად ჩაესმა ნაცნობის ხმით წარმოთქმული:

— ამავეს ღვინით,
ავავსებ ლხინით...

იამა ეს სიტყვები... არ მიუხედნია, მაგრამ მიხვდა, რომ უახლოვდებოდნენ. ერთი წამის შემდეგ კვლავ მოესმა:

— ტატო!
არც ახლა მიიხედა.
— ნიკოლაი მელიტონიჩი!
ტატომ გაიღიმა და ნაბიჯს აუჩქარა...
— ბარათოვ!

თითქმის ყურთან ჩაესმა და ვერც კი მოასწრო მობრუნება, რომ ნაცნობ, დარდიმანდ ჭაბუკების უეცრად მოვარდნილმა ტალღამ თან გაიტაცა ტატო გარეუბნის ბაღში...

* * *

ლხინის შემდეგ ტატომ უფრო მწვავედ იგრძნო თავისი მარტოობა... მთაწმინდისაკენ მიმავალს უნებლიედ გაახსენდა ის სიტყვებიც, შარშან ნახიჩევანიდან რომ მოსწერა ქაიხოსრო ორბელიანის ასულს — მაიკოს, და გაუკვირდა, რომ მას შემდეგ არაფერი არ შეცვლილა.

მზე უკვე დავეითის** მთას ეფარებოდა. გარეთუბანი და ყალა ჩრდილში მოქცეულიყო. ისინი, კუკიისა და ჩულურეთის მიღამოებს კი ჯერ ისევ აფერადებდა ლომისფერი შუქი ჩამავალ მზისა.

მთის ძირას, საიდანაც იწყებოდა მიხვეულ-მოხვეული ვიწრო ბილიკი, სამი ურემი იდგა. ორი ფარდავით იყო გადახურული. გადაუხურავ ურემის კოფოზე იჯდა წითელხალათიანი, პატარა ბიჭი და დროდადრო ჭრელ ხარს გადატყაულ ფერღზე სახარეთი ბუხებს უგერიებდა. ტატო, თითქო მთაწმინდის მიღამოთა ხილვამ ძალა შემატაო, მარჯვედ შეუდგა ბილიკს. ოციოდე ნაბიჯზე, პირველ მოსახვევთან; პირისპირ, ბალახებში ორი მათხოვარი იჯდა. ისინი მოთქმის კილოზე ხან სომხურად, ხან თათრულად, ხანაც ქართულად რაღაც ლოცვისებურს შეუტყვენებლად ბუტბუტებდნენ და თან ყველას დასანახავად წინ იშვერდნენ თავიანთ მახინჯ ხელებს. ტატოს ბევრი უნუგეშო მთხოვარა ენახა წინეთ, მაგრამ ძონძებში გახვეულ ამ ორი მოძრავი სულიერის ხილვამ დღეს საკვირველად შეჰზარა.

მსწრაფლ გაშორდა იქაურობას. ფიქრი ამ ორ დაბეჩავებულ არსებაზე თან სდევდა ერთხანს... შემდეგ უკან მიიხედა, ბილიკს უვალი ჩააყოლა და, რაკი ქვემოდან მომავალი არავინ სჩანდა, გრიბოდოვის აკლდამის ცოტა ქვემოთ, გზა გადასჭრა, ხრამში თავქვე დაეშვა; ერთხანს ბუჩქებში მისი მხრები და თავი-ლა მოსჩანდა, მერე სულ ჩაიმალა. ამ ღრეში ხეტიალს ჩვეულმა ტატომ ახლა დიდის ვაი-ვაგლახით მიაღწია მოპირდაპირე მადლობს.

მადლობიდან ამაყად მოავლო თვალი ნაცნობ ადგილებს, აქაურობის ხილვა მუდამ შვების მომგვრელი იყო მგოსნისათვის.

* პოეტი გრიგოლ ორბელიანი.
** დავითის მთა — მთაწმინდა.



კოდალა

ტყე არის, მთა თუ მინდორი,
 ბალი, ბაღია თუ ბოსტანი,
 ყველგან შეგხვდებათ კოდალა
 ეს ხელოსანი ფრთოსანი
 თითქო ტყეს უვლის, მცენარეს
 რომ არ ეწვიოს ზიანი,
 მწერი ამოროს ათასი
 მავნე და ავიზნიანი.
 ბუდეს აკეთებს უცნაურს:
 ტყეში მონახავს ფულურს,
 მტერმა ვერ ნახოს ვერაგმა,
 თვით კი ყოველთვის უყუროს.

ფულურს თვითვე გამოხრავს,
 შრომობს მარჯვედ და მამაცად —
 შიგ სიკვდილამდე ცხოვრობენ
 ერთად დედაც და მამაცა.
 ერთად ჩეკავენ პატარებს,
 ერთად მზრუნველობს ორთავე,
 ჯერ ცოცვას შეასწავლიან,
 მერმე საფრენად მირთავენ.
 ესენიც სპობენ ხეებზე
 თუ სადმე მავნე მწერია...
 მოდით, ნუ მოვკლავთ კოდალას,
 ის მავნებლების მტერია.



მობი

მთებში, სადაც ნისლეგია
 და ჩანჩქერი ჩხვით მობობია,
 თვალუწვდენელ სიმაღლეზე
 სალ კლდეებში ცხოვრობს ორბი.
 იქ ბინადრობს, მაღალ მთებში,
 იქ იკეთებს თავის ბუდეს,
 ირგვლივ ქვებით შემორაგულს
 ბუმბულსა და თივას უდებს.
 დედაორბმა თავის ბარტყის
 იცის მძლავრად შეყვარება,
 დედას შვილის გამოზრდაში
 მამაორბიც ეხმარება.

ორბის საზრდო მძორი არის,
 თუ სადმე აქვს მიკვლეული,
 მაგრამ ხორცს არ ეტანება,
 უფრო უყვარს შიგნეული.
 არ გვეგონოთ ისე გმირი,
 როგორც თვითონ მოაქვს თავი:
 ცოცხალ ცხოველს თავს არ ესხმის,
 თუ არ ნახა მომაკვდავი.
 პატარებში ვაჟკაცია,
 ზაზუნის და თავვის მტერი,
 ყავისფერი ბეჭები აქვს,
 ტიტლიკანა თავ-კისერი.



ველის არწივი

სასარგებლო ფრინველი
 არის ველის არწივი,
 „დამიცავით, ნუ მომკლავთ“,
 ამბობს ბერიკაცით.
 განა მართლა ხარ-კამეჩს,
 ან ქვრივ-ობლებს იტაცებს!
 იგი თავს და ზაზუნებს
 ანადგურებს მიწაზე;
 მაგრამ ყველა არწივი
 თავებს გვისპობს ყანაში?!
 იგი მრავალნაირი
 ცხოვრობს ჩვენს ქვეყანაში.

სასარგებლო როდია,
 მართლა, ყველა მათგანი!
 ზოგს შელის ნუკრი იზიდავს,
 ზოგსაც თეთრი ბატკანი.
 თოვით მოსაკლავია
 მათი დიდი ნაწილი,
 არწივებში როდია
 ყველა ველის არწივი.
 არწივს ტოლი არა ჰყავს,
 ლონით რომ გაუსწორდეს,
 ამიტომაც ფრთოსნებში
 არწივს „მეფე“ უწოდეს.




დავით გურამიშვილი

მისი საფლავის აღმოჩენის გამო.



156 წლის წინათ უკრაინაში გარდაიცვალა დიდი ქართველი პოეტი დავით გურამიშვილი. სამწუხაროდ, დროთა განმავლობაში მისი საფლავი დაფიწყებას მიეცა და ბოლოს დაიკარგა. არ დაკარგულა მხოლოდ დავით გურამიშვილის ლექსები და პოემები, რომელიც პოეტმა წიგნად შედგენილი, თავისი ერთი მეგობრის ხელით, საქართველოში გამოგზავნა, რათა ქართველი ხალხი გაცნობოდა მას და სიყვარულით მოეხსენებია მისი შემომქმედი. ამ წიგნმა, რომელსაც „დავითიანი“ ეწოდება, ფართო გავრცელება ჰპოვა ქართველ ხალხში და განადიდა გურამიშვილის სახელი. ამის შემდეგ უფრო მეტად სამწუხარო და გულდასაწყვეტი შეიქმნა პოეტის საფლავის დაკარგვა.


მეტად არეულ დროს მოუხდა დავით გურამიშვილს ცხოვრება. ეს იყო მეფერამეტე




საუკუნე, როდესაც ქართლ-კახეთს ხან სპარსელები და ოსმალები და ხან ლეკები აოხრებდნენ. მტრების ვერაგობამ დიდი ტანჯვა განაცდევინა პოეტს. 1729 წელს ზაფხულზე დილით მოყვრის ყანაში მიმავალი 24 წლის ახალგაზრდა დავითი ლეკებმა დაიჭირეს და ტყვედ გაიტაცეს ლეკეთში. იქ (სოფელ ოსაქალას) დავითი ჯერ იმსახურეს და შემდეგ გაყიდვა დაუპირეს. გაწამებულმა დავითმა მოახერხა და ტყვეობიდან გაიპარა. მაგრამ საქართველოში დაბრუნებას ამჯობინა გადასულიყო რუსეთში. მშიერსა და შიშველს სიკვდილი კვალდაკვალ სდევდა. დიდი გაჭირვებით სამშვიდობოს გავიდა. თავი შეაფარა რუსების პირველ სოფელს, სადაც დავითი გულთბილად მიიღეს. აჭამეს, ჩააცვეს და მოასვენეს. ამის შემდეგ დავითმა დაშვილებით განაგრძო გზა. ასტრახანზე გავლით 1730 წელს მიაღწია მოსკოვს, სადაც ინახულა საქართველოდან გადახვეწილი მეფე ვახტანგ მეექვსე და შეუერთდა მის ამაღას.

მეფე ვახტანგი საქართველოს აწეწილმა მდგომარეობამ გადახვეწა რუსეთში. იქ ქართველი მეფე ეძებდა მეგობრებს და რუსეთის ხელმწიფის დახმარებით ცდილობდა მტრების სათარეშოდ გამხდარ საქართველოს აწეწილი მდგომარეობის მოწესრიგებას, მაგრამ მისი ოცნება, სხვადასხვა პოლიტიკური მიზეზების გამო, არ გამართლდა. ვახტანგი საცხოვრებლად გადავიდა ქ. ასტრახანს, სადაც იგი მალე გარდაიცვალა.

ვახტანგის სიკვდილის შემდეგ მოსკოვში მყოფმა ქართველებმა რუსეთის ქვეშევრდო-





მობამიილეს. ისინი ჩაეწერნენ სამხედრო სამსახურში და შეადგინეს ცალკე „გუსართა პოლკი“, რომელშიც დავით გურამიშვილიც მოჰყვა. პოლკმა რუსეთის ბევრ სამხედრო მოქმედებაში მიიღო მონაწილეობა. ბრძოლებში დავით გურამიშვილი ყოველთვის მამაცობას იჩენდა. როცა მოხუცებაში შევიდა, დავითი დაესახლა უკრაინაში, თავის მამულში, რომელიც მას ადრე ებოძა როგორც რუსეთის ქვეშევრდომსა და მხედარს.

უკრაინაში ცხოვრების დროს დასწერა დავით გურამიშვილმა თავისი შესანიშნავი ლექსები და პოემები. თავის შემოქმედებაში პოეტმა დიდი პოეტური შთაგონებითა და გულიანტკივილით გამოხატა საქართველოს აწეწილი მდგომარეობა, მისი ტკივილები. ამავდროს პოეტმა მხურვალე გულით უმღერა სწავლასა და ცოდნას, მათ საჭიროებას. დავით გურამიშვილს ეკუთვნის ფართოდ გავრცელებული სტრიქონები:

„ისმინე, სწავლის მძებნელო!
მოჰყევ დავითის მცნებასა,
ჯერ მწარე ჭამე; კვლავ ტბილი,
თუ ეძებ გემოვნებასა“.

ან კიდევ ასე:

„სწავლა სიკვდიმდე შენია,
მუდამ შენთანა მყოფელი;
მას გეცალების ვერაფერს,
არ არის გასაყოფელი“.

დავით გურამიშვილის ლექსები და პოემები ჩვენი სასწავლო პროგრამებისა და სახელმძღვანელოების განუშორებელი ნაწილია.

დავით გარდაიცვალა 1792 წელს—დრამდ მოხუცებული. როგორც ზემოდ ვთქვით, პოეტის საფლავი, დროთა განმავლობაში დაეწყებას მიეცა და ბოლოს დაიკარგა. გურამიშვილის შემოქმედებით მადლიერი ხალხის საუკეთესო წარმომადგენლები იღვწოდნენ, რომ ეპოვათ ის ადგილი, სადაც განისვენებდა დიდი პოეტისა და პატრიოტის ნეშტი. უკრაინისა და საქართველოს მეცნიერთა მიერ მრავალი წლის განმავლობაში წარმოებულ ძიებას უშედეგოდ არ ჩაუვლია. რამდენიმე თვის წინათ საბჭოთა უკრაინის მინისტროსა საბჭოს სპეციალური კომისიის მიერ დადგენილი იქნა ადგილი, სადაც დასაფლავებულია 156 წლის წინათ გარდაცვლილი დავით გურამიშვილი.

ამ კომისიის დასკვნით გურამიშვილის საფლავი იმყოფება ქალაქ მირგოროდის განაპირა უბანში, სოროჩინსკის და პოლტავის ქუჩების გზაჯვარედინზე, გზის პირად მდებარე სასაფლაოზე.

ახლო მომავალში პოეტის საფლავზე აღმართული იქნება ძეგლი.

გურამიშვილის საფლავი

გაზაფხულს მოჰყვა ფერთა სიმწვანე,
უკრაინაში ნზე და ლხინია.
აღბათ ნახავდი გზის პირად ყანებს,
პოლტავისაკენ თუ გაგივლია.
იქ სოროჩინსკის ნაზ თაიგულებს,—
ნახავდი ბაღებს ოქროსფერ სხივით,
ველს ყვავილებით პირმოხატულებს
უკრაინული სარაფანივით.
აქ ჩაჰკრობია მგოსანს ვარსკვლავი,
შესცვლია ფერი მთვარეს მოვერცხლილს...
აი, აქ თბება წმინდა საფლავი
ქართული სიტყვის დაუშრეტ ცეცხლით.
ისევ გაივლი შენ პოლტავის გზით,
ფიქრებს მოგახვევს ლექსი ქართული—
გაბრწყინებული უკრაინის მზით,
პოეტის ძეგლზე ამოქარგული.

ლილია მებრაქიძე



მომავალი ოსტატები

29 მაისს დედაქალაქის მშრომელები მიიჩქაროდნენ ორჯონიკიძის სახელობის კულტურისა და დასვენების ცენტრალური პარკისაკენ. ამ დღეს აქ ტარდებოდა შრომითი რეზერვების დღესასწაული. ცენტრალურ მოედანზე მოწყობილი იყო სახელოსნო სასწავლებლებისა და საფაბრიკო-საქარხნო სწავლების სკოლების მოსწავლეთა ნამუშევრების გამოფენა. რას არ ნახავდით აქ! მომავალი სპეციალისტების მიერ შექმნილ მანქანებს, დაზგებს, სხვადასხვა ხელსაწყო-იარაღს, ნახატებსა და ნაძერწ-ნამუშევრებს.

მნახველები ინტერესით ათვალიერებდნენ თბილისის მე-14 სახელოსნო სასწავლებლის მოსწავლეთა საწარმოო შემოქმედებას. გენერატორი, გამანაწილებელი ფარი და მასზე განლაგებული რთული ელექტრომოწყობილობა ისე მაღალხარისხოვნად იყო დამზადებული, რომ მნახველთა აღტაცებას იწვევდა.


დამთვალიერებლები დიდხანს ჩერდებოდნენ თბილისის მე-3, მე-5, მე-11, მე-12, მე-15, ქუთაისის მე-4, წულუკიძის მე-8 სახელოსნო სასწავლებლების მოსწავლეთა ნამუშევრებთან. ისინი იწონებდნენ მომავალ სპეციალისტთა შემოქმედებითი შრომის ნიმუშებს.

პარკში გამართული იყო მასობრივი სეირ-

ნობა. უკრავდა შრომითი რეზერვების კულტურის რესპუბლიკური სახლისა და ინდუსტრიული ტექნიკუმის სასულე ორკესტრები. ფიზკულტურულ მოედანზე გამოდიოდნენ ახალგაზრდა სპორტსმენები, უჩვენებდნენ თავიანთ მიღწევებს, აკრობატულ ნომრებს, ვარჯიშობდნენ სიმძიმეთა აწევაში, კრივში, ჭიდაობაში. სამკითხველო დარბაზში ძოწყობილი იყო საუკეთესო კედლის გაზეთების გამოფენა, ტარდებოდა სეანსები ჭადრაკში.

9 საათზე საზაფხულო თეატრში გაიხსნა შრომითი რეზერვების სასწავლებლებისა და სკოლების მოსწავლეთა თვითმოქმედების მე-9 რესპუბლიკური დათვალიერება. კულტურის სახლის მომღერალთა და მოცეკვავეთა ანსამბლმა მყუერებლებს უჩვენა ლიტერატურულ-მუსიკალური სუიტა—„ახალგაზრდობის დღესასწაული.“ ანსამბლის წევრებმა მიძინდველად შეასრულეს სიმღერები და ცეკვები. შესანიშნავი იყო ფარიკაობა, რომელიც ახალგაზრდა მოცეკვავეებს ორჯერ გააძეოარებინეს.

სცენაზე ერთმანეთს სცვლიდნენ მომღერალთა და მოცეკვავეთა გუნდები, ინდივიდუალური შემსრულებლები, დეკლამატორები, ნორჩი ავტორები. მყუერებელთა წინაშე კარგად შერჩეული პროგრამით გამოვიდნენ ქუთაისის მე-4, წულუკიძის მე-8, ზესტაფო-



ნის მე-9, თბილისის მე-12 სახელოსნო სასწავლებლის მომდერალთა გუნდები, თბილისის მე-3 სახელოსნო სასწავლებლის ქორეოგრაფიული წრე და მრავალი სხვა. მაყურებლები განსაკუთრებით მოწონებით შეხვდნენ თბილისის მე-14 სახელოსნო სასწავლებლის მოსწავლის გივი შარაბიძის გამოსვლას. მან მოხდენილად და მაღალი გემოვნებით შეასრულა რამდენიმე საცეკვაო ნომერი. დარბაზში დიდხანს არ დამსხრალა ტაში.

დათვალეირების პირველი დღე დასრულდა თბილისის მე-11 სამხატვრო სახელოსნო სასწავლებლის მოსწავლეთა გამოსვლით. რეპერტურაში იყო ლიტერატურული მონტაჟი „საქართველო“, რომელიც ასახავდა ჩვენი ქვეყნის სახელოვან წარსულსა და ბედნიერ აწმყოს.

მეორე დღეს, 30 მაისს სცენაზე გამოვიდნენ რჩეული თვითმოქმედი კოლექტივები და ინდივიდუალური შემსრულებლები. ნომრების დიდი უმეტესობა დახვეწილი და მაღალხარისხოვანი იყო. მასში ნათლად ჩანდა სასწავლებლებისა და სკოლების მიერ ჩატარებული მუშაობა მხატვრული თვითმოქმედების დარგში.

დათვალეირება დამთავრდა. მხიარულად, წარუშლელი შთაბეჭდილებებით დაიშალნენ მაყურებლები. ყველა მათგანს ნათელი წარმოდგენა შეექმნა იმ უდიდეს მუშაობაზე, რომელსაც აწარმოებენ სახელოსნო სასწავლებლები და საფაბრიკო-საქარხნო სწავლების სკოლები ჩვენი მუშათა კლასის მომავალი შევსების ღირსეული აღზრდისათვის.

* * *

ჩვენს რესპუბლიკაში 17 სახელოსნო სასწავლებელი და 37 საფაბრიკო-საქარხნო სწავლების სკოლაა. მათ სასწავლო კაბინეტებში, სახელოსნოებში ყოველდღიურად სწარმოებს გულმოდგინე მეცადინეობა და შრომა პროფესიების სრულყოფილად შესწავლისათვის. მოსწავლეები ეჩვევიან დამოუკიდებელ მუშაობას და ქმნიან ბევრ ისეთ დაზგა-დანადგარს, რომელთა ათვისება მაღალკვალიფიციური სპეციალისტებისთვისაც დიდი ღირსებაა.

— მოსკოვიდან, შრომითი რეზერვების სამინისტროდან ახალი სახის დაკვეთა მივიღეთ, — თქვა ოსტატთა წინაშე მე-15 სახელოსნო სასწავლებლის დირექტორმა ი. ლონლაძემ, — ვადმოგვიგზავნეს ნახაზებიც. სსრ კავშირში პირველად ჩვენ გვიხდება ლითონსაცდელი მანქანის ათვისება. საქმე ჩვენზეა, ამხანაგებო!


ოსტატებმა, ინჟინერ-ტექნიკოსებმა გულ-

დასმით გასინჯეს ნახაზები, შეარჩიეს საუკეთესო მოსწავლეები და ლითონსაცდელი მანქანის ნაწილების დამზადებას შეუდგნენ თვითული მათგანის დამზადება პირველად უხდებოდათ.

— ჩვენ ახალი ტიპის მანქანას ვქმნით! ჩვენ მიერ გამოშვებული პროდუქცია ქარხნებში გაიგზავნება! — ამის შეგნება ალაფრთოვანებდა ლითონსაცდელი მანქანის ახალგაზრდა მშენებლებს. დღეს დღე მისდევდა და სახელოსნოში მატულობდა ახალდამზადებული ნაწილები. დიდი ოქტომბრის რევოლუციის XXX წლისთავზე სასწავლებელმა შესძლო რამდენიმე ლითონსაცდელი მანქანის „იმ—4-ა“-ს გამოშვება. იგი მაღალხარისხოვანია, იხმარება ლითონსაკვლევ ლაბორატორიებში, მეტალურგიულ ქარხნებში. მისი დახმარებით შესაძლებელია ლითონის სიმტკიცის გაგება, წყვეტისა და ღუნვის უნარის შემოწმება. სასწავლებელი ახლა ამ მანქანას მასობრივად უშვებს. მანქანის ახალგაზრდა შემქმნელებმა წარჩინებული შრომისათვის დამსახურეს სსრ კავშირის შრომითი რეზერვების მინისტრის ამხ. პრონინის მაღლობა და ფულადი ჯილდო.

თბილისის პირველი სარკინიგზო-სახელოსნო სასწავლებლის მოსწავლეებმა ასევე წარმატებით აითვისეს მზომავი დაზგა, რომელსაც იყენებენ საზომი ხელსაწყოების დამზადებაში. დაზგა დიდი არაა, მაგრამ მისი თვითული ნაწილი გასაოცარი სიზუსტით და მაღალი გემოვნებითაა გაკეთებული.

ქ. წულუკიძის მე-8 სახელოსნო სასწავლებლის მოსწავლეებმა საკუთარი ძალ-ლო-ნით შექმნეს ბრტყელსახეხი ჩარხი. მასზე დაკრულია ახალი მარკა — „რუ — № 8“.



ასეთი მაგალითი თითქმის ყველა სახე-
ლოსნო სასწავლებლის ცხოვრებაში ხდება.
მოსწავლეები წარმატებით ეჩვენებენ დამოუ-
კიდებელ მუშაობას და სახელოვან ფურც-
ლებსაც სწერენ ჩვენი სამშობლოს შრომითი
ღირებების წიგნში.


* * *

სახელოსნო სასწავლებლებსა და საფაბ-
რიკო-საქარხნო სწავლების სკოლებში იზრ-
დებიან, სწავლობენ და სხვადასხვა საწარ-
მოო პროფესიას ითვისებენ ჯანსაღი ახალ-
გაზრდები — მომავალი მუშები, ხელოს-
ნები. ეს სასწავლებლები და სკო-
ლები სამართლიანად ითვლებიან ჩვენი
გმირული მუშათა კლასის ახალ კადრ-
თა სამჭედლოებად. ისინი ხალხთა დი-
დი ბელადის ამხანაგ სტალინის ინი-
ციატივითაა შექმნილი. აქედან ჩვენი მრეწ-
ველობა და ტრანსპორტი ყოველწლიურად
ღებულობს მუშათა ახალ-ახალ შევსებას.
თავისი არსებობის განმავლობაში მათ ჩვენს
სახალხო მეურნეობას აღუზარდეს და გა-
დასცეს სამშობლონაჩვენარი ახალგაზრდა კე-
ლიფიცირებული მუშა.

* * *

— აი, აქ იმუშავე! — მიმართა ოსტატმა
ემელიონს. — შენი დაზგაც ეს იქნება. წამო-
დი, ხელსაწყოები ჩაიბარე და საქმესაც შე-
უდექი!

ემელიონი ოსტატს გაჰყვა, საზეინკო
ხელსაწყოები ჭასინჯა და პირველი დავა-
ლებაც მიიღო. ახალგაზრდა ზეინკალი მოუ-
სვენრობის გრძნობამ შეიბყრო, დელავდა,
შიშობდა — ვაი, თუ არაფერი გამომივიდესო.
მართალია, საფაბრიკო-საქარხნო სწავლების
სკოლაში კარგად მეცადინებდა, საცდელ
დეტალებს ჩინებულად ამზადებდა და საკვა-
ლიფიკაციო გამოცდებზეც ხუთებზე ჩააბარა,



მაგრამ იქ ხომ სკოლა იყო! შეცდებოდა, გა-
უსწორებდნენ. აქ კი დამოუკიდებელი, ზეინ-
კალია! რამდენი მუშა შესცქერეს! სიწმინ-
დი როგორ უნდა ჭამოს და აღმზრდელი სკო-
ლა შეარცხვინოს!

ემელიონმა საქანჩე ლითონი გირაგში მარ-
ჯვედ მოამწყვდია. ჯერ ზედაპირი გაუსუფ-
თავა, მერე სახრახნე გაუმზადა. ბოლოს ხრახ-
ნის მორგებას შეუდგა. საქმე რიგზე არ
იყო, სახრახნე ფართო გამოუვიდა, ნახაზის
პირობას არ ეთანხმებოდა. ახალგაზრდა ზე-
ინკალს ცივმა ოფლმა დაასხა. ნამუშევარი
კუთხეში უკმაყოფილოდ მიაგდო და ქანჩის
დამზადება ხელახლა დაიწყო. ათიოდე წუ-
თის შემდეგ ოსტატი მოვიდა, ემელიონის
ნაშრომი გასინჯა. მისმა გამოცდილმა თვალ-
მა რამდენიმე ადგილას არასიზუსტე აღმოა-
ჩინა.

— აი, შეხედე, ემელიონ! აქ მეათედ მი-
ლიმეტრებსაც მნიშვნელობა აქვს. ეს ქანჩი
რომ საყელავ მანქანას მოვარგოთ, დღეს, ასე
თუ ისე, გასძლებს, ხელ კი უვარგისი იქნე-
ბა. საქმე ისაა, რომ ნახაზში მოცემული ზო-
მა ზუსტად დაიცვა. — ოსტატმა ახალგაზრდა
ზეინკალს დაწვრილებით აუხსნა, თუ რო-
გორ მიეღწია მეტი სიზუსტისათვის.

ემელიონ ვარდოსანიძემ იმ დღეს ერთი
ქანჩის დამზადებაზე იმუშავა. სასურველ
შედეგს მხოლოდ სამუშაო დღის დამთავრე-
ბისას მიაღწია. ოსტატმა მისი ნამუშევარი
ყურადღებით დაათვალიერა, სიგრძე-სიგანე
და ღარის მოცულობა გულდასმით გაუზომა.

— ყოჩაღ! — წამოიძახა აღტაცებით და ემე-
ლიონს გამარჯვება მიულოცა. რა იცოდა
ახალგაზრდა ზეინკალმა თუ საყელავი მანქა-
ნის ამ ქანჩის სრულყოფილად დამზადებას
სხვები პირველად კვირაობით უნდებოდნენ!
მეორე დღეს ვარდოსანიძემ კვლავ სიხარუ-
ლით შეაღო ქ. ჭიათურის მარჯანეცის ტრეს-
ტის მთავარი მექანიკური სახელოსნოს კა-
რები. მუშაობა ბეჯითად დაიწყო და დღიუ-
რი დავალება 127 პროცენტით გაანაღდა.
ასევე გაგრძელდა მომდევნო დღეებშიც.
თვის დასასრულს კი მისმა საწარმოო მაჩვენ-
ებელმა 141 პროცენტს გადააჭარბა. ახალ-
გაზრდა სტახანოველი ამით არ კმაყოფილ-
დებოდა, გჭანგრობდა თავისი ცოდნის
სრულყოფას, კითხულობდა ტექნიკურ ლი-
ტერატურას, საინტერესო საკითხებზე ხში-
რად ესაუბრებოდა გამოცდილ სტახანოვე-
ლებს, ინჟინერ-ტექნიკოსებს. მათ რჩევა-და-
რიგებას თავის საქმიანობაში ანხორციელებ-
და.

ემელიონ ვარდოსანიძე ჭიათურაში ახლა
სახელგანთქმული სტახანოველია, დღემდე
ახალი სტალინური ხუთწლედის 6 წლის გე-

გმა აქვს შესრულებული და პროდუქციას უშვებს 1952 წლის საწარმოო დავალების ანგარიშში.

* * *

ელგუჯა კვიციინაძემაც სახელოსნო სასწავლებელში მიიღო პირველი საწარმოო ნათლობა. იგი სოფელ სვერიდან (ჭიათურის რაიონი) თბილისში ჩამოვიდა და მე-3 სახელოსნო სასწავლებელში შევიდა.

სოფლელი ბიჭი აღტაცებული იყო დედაქალაქის ცხოვრებით, დღითიღე ეჩვეოდა სასწავლებელს, მოგუგუნე სახელოსნოებს, ახალ ამხანაგებს. სწავლას თავიდანვე ბეჯითად შეუდგა. ყოველ გაკვეთილსა და პრაქტიკულ მეცადინეობაზე ყურადღებით უსმენდა პედაგოგებსა და ოსტატს. სასწავლო სახელოსნოში მუშაობა განსაკუთრებით უყვარდა. მეცადინეობის დასრულების შემდეგაც იგი ხშირად უნახავთ თავის საყვარელ დაზვასთან... ყოველი სემესტრის ბოლოს ელგუჯას გული სიხარულით ევსებოდა — თვითეულ საგანსა და პრაქტიკულ მეცადინეობაში მისი გვარის გასწვრივ ხუთიანები იყო ჩამწყკრივებული.

ორი წლის მუყაითი სწავლის შემდეგ ელგუჯამ წარმატებით დაასრულა სახელოსნო სასწავლებელი და მე-6 თანრიგის ხარატის წოდება მიიღო. იგი იქვე დასტოვეს სახარატო საამქროს უფროს ოსტატად და მომავალი ხარატების აღზრდა მიანდეს. ელგუჯა ოსტატის თანამდებობაზე დაუღალავად მუშაობდა, გულისხმიერად ზრდიდა და წრთვნიდა ახალგაზრდებს.

ელგუჯა კვიციინაძე ამჟამად ხელმძღვანელ კომკავშირულ სამუშაოზეა დაწინაურებული — თბილისის აბრეშუმ საქსოვი ფაბრიკის კომკავშირული კომიტეტის მდივანია. იგი უნარიანად წარმართავს ფაბრიკის ახალგაზრდობის ბრძოლას მაღალი საწარმოო მაჩვენებლების მოპოვებისათვის, ახალი ხუთწლედის ოთხ წელიწადში განხორციელებისათვის. ზრუნავს თვითეული მათგანის იდეურ-პოლიტიკური ცოდნის გაღრმავებაზე, საწარმოო დაოსტატებაზე. ელგუჯა კვიციინაძე უმაღლეს სასწავლებელში შესვლისათვის ემზადება. გადაწყვეტილი აქვს წარმოებას ინჟინერის პროფესიით დაუბრუნდეს.



* * *


გიორგი პაპუაშვილიც სახელოსნო სასწავლებელში აღიზარდა. იგი ამჟამად თბილისის ავტოსარემონტო ქარხნის ამწყობი საამქროს სახელმძღვანელო სტახანოველია. ყოველთვიურ დავალებას 300-ზე მეტი პროცენტით ასრულებს. მან ორნახევარ წელიწადში შეასრულა 5 წლისა და 8 თვის საწარმოო დავალება.

მსგავსი მაგალითი უამრავია ჩვენი რესპუბლიკის საწარმოებში. სად არ მუშაობენ და სასახლო წარმატებებს არ აღწევენ სახელოსნო სასწავლებლებისა და საფაბრიკოსაქარხნო სწავლების სკოლების აღზრდილები — რუსთავის მეტალურგიული გიგანტისა და ქუთაისის საავტომობილო ქარხნის მშენებლობაზე, ტყებულის, ტყვარჩელისა და ახალციხის შახტებში, ჭიათურის მაღაროებში, ზესტაფონის ფეროშენადნობთა ქარხანაში, თბილისის, ქუთაისის, ბათუმის და სხვა ქალაქების თითქმის ყველა საწარმოში დაუღალავად ტრიალებს მათი მარჯვენა. ისინი სასწავლებლებსა და სკოლებში დაეუფლნენ არამარტო პროფესიებს, არამედ გახდნენ მგზნებარე საბჭოთა პატრიოტები, დედა სამშობლოსადმი უსაზღვრო სიყვარულს გამოხატავენ სტახანოვეური შრომით.

პ. კონრაძე

ფოტოები გ. რუხეცკისა





1. მოკავშირე რესპუბლიკის დედაქალაქი, 2. ცნობილი რუსი მეცნიერი-ფიზიკოსი, 3. ყვავილი, 4. ნაკრძალი, 5. კრეისერი, რომელმაც პირველმა გაუხსნა ცეცხლი ზაშორის სასახლეს, 6. ქართველი პოეტი, 7. ცნობილი რუსი მეცნიერი, 8. ქალაქი ციმბირში, 9. მწვერვალი კავკასიონზე, 10. ხე-ტყის სახერხი მრეწველობის უდიდესი ცენტრი ჩრდი-

ლოეთში, 11. მოკავშირე რესპუბლიკის დედაქალაქი, 12. ცნობილი რუსი მხატვარი, 13. გამოჩენილი უზბეკი მწერალი, 14. მდინარე სსრ კავშირში, 15. ისტორიული ბრძოლის ადგილი მოსკოვის მახლობლად, 16. რაიონული ცენტრი საქართველოში, 17. აზერბაიჯანის გამოჩენილი მწერალი-პოეტი, 18. ქალაქი საბჰოთა კავშირში.

შენიშვნა: პირობითი ნიშანი „მძიმე“ იმის მაჩვენებელია, რომ სიტყვას აკლდება ერთი ასო და მომდევნო სიტყვა წინა სიტყვის უკანასკნელი ასოთი იწყება.

შ ი ნ ა ა რ ს ი

პიონერული ზაფხული (წერილი)	33	1	33
ვ. ურუული — მამა და შვილი (ლექსი)	2	ლ. მეგრელიძე — გურამიშვილის საფლავი (ლექსი)	27
მარიჯანი — ჩემი მომავალი (დღიური)	3	პ. კობრეიძე—მომავალი ოსტატები (ნარკვევი) ჩაინგორდი	28 32
ვ. გორგანელი—აქ ცხოვრობდა კალინინი (ლექსი)	6	გ. შატბერაშვილი — თიბათვე (ლექსი) გარეკ. მე-2 გვ.	33
ო. ნემსაძე — პიონერული ბანაკი (წერილი)	7	ი. ვახიანი — მოქნილთა და მამაცთა სპარტაკიდა (წერილი) გარეკანის მე-3 გვ.	33
მ. ლებანიძე — ზაზა მესხი (მოთხრობა)	9	თ. შავერზაშვილი — მგზავრული (მუსიკა) გარეკ. მე-4 გვ.	33
ი. ვაკელი — ცაცხვი (ლექსი)	17	გარეკანის მხატვრობა — „თიბვა“ ეკუთვნის გ. გულისაშვილს	
ვ. ზამბახიძე — ბ. გ. ბელინსკი (წერილი)	18		
ხ. ბერულავა — ზურას ლურჯა (პოემა)	20		
ბ. ბეთანელი — მოთხრობა ყელსახვევზე	22		
ლ. ავალიანი — ყარაბი მგოსანი (მოთხრობა)	23		
ი. აბაშიძე — საქართველოს ბუნება (ლექსები)	25		
გ. ლალიძე — დავით გურამიშვილი (წერილი)	26		

პასუხისმგებელი რედაქტორი **გ. კახახიძე**

სარედაქციო კოლეგია: **ე. აგლაძე, დ. გვრიტიშვილი, ვ. ვარდიაშვილი, გ. თავაზიშვილი, მარიჯანი, პ. მეტრეველი, ნ. ნაკაშიძე, ო. ნემსაძე.**

სამხატვრო რედაქტორი **პ. გიგოლაშვილი.**

რედაქციის მისამართი: თბილისი, ლენინის ქ. № 28. ტელ. 3-81-85.

მოქნილთა და მამაცთა სპორტაკიადა



ჩვენი რესპუბლიკის მოსწავლეთა სპორტულ ცხოვრებაში აღინიშნება დიდი და სასიხარულო მრავლენა: მზიური საქართველოს დედაქალაქში თავი მოიყარა 800-ზე მეტმა ნორჩმა სპორტსმენმა-მძლეოსანმა, ტანმოვარჯიშემ, ფეხბურთელმა და ჩოგბურთელმა, რათა მონაწილეობა მიიღოს თავის პირველ სპორტაკიადაში. სასპორტო დარბაზებში, სტადიონებზე, საჩოგბურთო მოედნებზე ბედნიერი საბჭოთა გოგონები და ვაჟები, რომლებმაც წარმატებით დაამთავრეს სასწავლო წელი, ერთმანეთს შეეჯიბრებიან სისწრაფეში, მოქნილობაში და გამბედაობაში.

თავიანთი სპორტაკიადისათვის საქართველოს მოსწავლეები მონდომებით და დიდი ინტერესით ემზადებოდნენ. საკმარისია იტყვას, რომ სპორტაკიადამდე ჩატარებულ სასკოლო, რაიონული, საქალაქო და საოლქო შეჯიბრებებში მონაწილეობა მიიღო 100 ათასამდე მოსწავლემ, და მათ შორის მხოლოდ 860-მა უკეთესმა-უკეთესთა შორის მოიპოვა უფლება ყოფილიყო მონაწილე სრულიად საქართველოს პირველი სპორტაკიადისა, რომლის დროშა დღეს ამჟამად აღიმართება სტადიონზე.

სპორტაკიადა შეაჯამებს სასკოლო სპორტული კოლექტივებისა და წრეების მუშაობას, რომელთა რიცხვი რესპუბლიკაში ამჟამად 1.817 აღწევს. გასულ წელთან შედარებით ფიზკულტურული კოლექტივების რიცხვი 649-ით გაიზარდა. ამ კოლექტივებსა და წრეებში ფიზიკური აღზრდას სკოლისგარეშე მუშაობაში ჩაბმულია 104.439 მოსწავლე. მათი უმეტესობა სექციებში მეცადინეობით ეუფლება სპორტის 28 სხვადასხვა სახეს.

გამოცდილი მასწავლებლებისა და მწვრთნელების ხელმძღვანელობით სპორტულ სექციებში მოსწავლე ახალგაზრდობა იწრთობა ფიზიკურად, იძენს სპორტულ ჩვევებს და ამაღლებს თავის სპორტულ მიღწევებს. სპორტულ სექციებში აღიზარდნენ შესანიშნავი სპორტსმენები, რომლებიც ახლა წარმატებით მონაწილეობენ საკავშირო შეჯიბრებებში სპორტის თითქმის ყველა სახეში.

მათ რიცხვში არიან ტანმოვარჯიშენი — მზია ჯუღელი, სანებლიძე, ასათიანი, ჯაფარიძე; მოკრივეები — ხანუკაშვილი და მეძმარიაშვილი; მოჭიდავეები — საბჭოთა კავშირის სამეზოს ჩემპიონი ციმაკურიძე, ილუ-

რიძე, ვეშაგური; მძლეოსნები — ქარცივაძე, პორტნოვი, ქორქია, მიხაილოვი; ჩოგბურთელები — გივი კოკია, უარევსკი და მრავალი სხვა.

ფიზკულტურა და სპორტი მკიდროდა დაკავშირებული მოსწავლეთა აღზრდისა და სწავლების საერთო სისტემასთან. განვლილი ორი წლის მანძილზე ქალაქისა და სოფლის 53 ათასმა მოსწავლემ, გაიარა რა ფიზიკური მომზადების განსაზღვრული საფეხური, ჩააბარა მშო და იმშო კომპლექსის ნორმები.

ბოლშევიკური პარტია, საბჭოთა მთავრობა, პირადად დიდი ბელადი, საბჭოთა ახალგაზრდობის საუკეთესო მეგობარი ამხანაგი სტალინი განსაკუთრებით დიდ ყურადღებას აქცევენ ჯანსაღი და სიცოცხლით აღსავსე ახალი თაობის აღზრდის საქმეს. ახალგაზრდობას მომსახურებას უწევს ნათელი და ფართო სპორტული დარბაზები, სტადიონები, საწყლოსნო სადგურები, ტურისტული ბანაკები, სპორტული მოედნების დიდი რაოდენობა და სხვ.

პარტიისა და მთავრობის ამ ზრუნვასა და ყურადღებას მოსწავლე გოგონები და ვაჟები პასუხობენ საუკეთესო სწავლით. ოქროს მედლით დაამთავრეს საშუალო სკოლა ლევან სანაძემ, რომელიც გახდა ჩვენი ქვეყნის ერთერთი საუკეთესო სპორტსმენი და გივი კოკიამ — საბჭოთა კავშირის ორგზის ჩემპიონმა ჭაბუკ ჩოგბურთელთა შორის და სხვებმა.

მიმდინარე საზაფხულო სპორტულ სეზონში მოსწავლე-ფიზკულტურელებმა მცირე წარმატებებს როდი მიაღწიეს. საქალაქო და რესპუბლიკური რეკორდების ცხრილებში ჩაწერილია მძლეოსნობასა და ცურვაში მიღწეული ათობით ახალი რეკორდი, თვალსაჩინო შედეგებია, აგრეთვე, სპორტის სხვა სახეებში.

მომზადებული და ძალღონით აღსავსენი შეიკრიბნენ თავიანთ პირველ სრულიად საქართველოს სპორტაკიადაზე ნორჩი ფიზკულტურელი გოგონები და ვაჟები. როგორც კი აღიმართება სპორტაკიადის გახსნის აღსანიშნავი დროშა, ისინი ჩაებმებიან წარმატაც და საინტერესო ბრძოლაში პირველობის მოსაპოვებლად, რათა დაიმსახურონ მოსწავლეთა სრულიად საკავშირო სპორტულ დღესასწაულში მონაწილეობის უფლება.

ი. ვახიანი



მკვავრუდი.

მუს. თ შავერვაშვილის
ტექსტი მ. მოვირიშვილის

ცოცხლად /ბავშვი/

ქვამს მიყვებით, მივიმღე-რით. ბვის მობს მო-რი

/ბუნდი/

მთა და ბა-რი ზყე-ყ. ბის და ნა-კა. დე-რის მხი-ა რუ-რი

al Coda

რასასრული

სა-ყ-ბა-რი რი. რი.

ბროლის კოშკად გადმომდგარან
მიუვალი მწვერვალები,
ელვარებენ, გვიზიდავენ, —
ვეღარსაით ვემალებით.

უფრო მაღლა, უფრო ზევით,
ლამაზ ქედებს გადავევლოთ,
ფიქრის უმაღ მოვიფრინოთ
საყვარელი საქართველო.